

NAVFRAGIVM
IOCVLARE,

Comædia :

Publicè Coram Academicis
Acta, in Collegio S S. et in-
dividuæ Trinitatis.

4^o. Nonas Feb. An. Dom. 1638.



Authore *Abrahamo Cowley.*



Mart. ——— Non displicuisse meretur
Festinat, Lector, qui placuisse tibi.



LONDINI,
Impensis Henrici Seile. 1638.





Doctissimo, Gravissimóq;
Viro D^o. D. Comber, Decano
Carleolensi colendissimo, & Col-
legij S.S. & individuae *Trini-*
tatis, Magistro vigilantissimo.

S Iste gradum : quónam temeraria pagina tendis,
Auratâ nimum facta superba rogâ ?
Subdita Virgifero te volvat turba Tyrânno;
Et tamen, ah, nucibus ludere pluris erit.
I, pete, sollicitos quos tædia docta Scholarum,
Et Logicæ Pugno carmina scripta tenent.
Post Ca. vel, Hip. Qualis? ne. vel, af. vn. Quanta? par. in. fin.
Destruit E dictum, destruit Iq; modum.
Tum Tu grata aderis, tum blandius ore sonabis ;
Seronus, dicent, quid velit iste sibi ?
I, pete Caussidicos : poteris sic culta videri,
Et benè Romanis fundere verba modis.
Fallor : post Ignoramus gens cautior illa est ;
Et didicit Musas, *Granta*, timere tuas.
I, pete Lectorem nullum ; sic salva latebis ;
Et poteris Criticas spernere tuta manus.
Limine ab hoc caveas : Procùl. ô, procul ito profana.
Dissimile hîc Domino nil decet esse suo.
Ille sacri calamo reseat mysteria verbi,
Non alia illius sancta lucerna videt.
Talis in Altari trepidat Fax, panè timenda,
Et flavum attollit sic reverenda caput,

At scio, quid dices : N ostros Academia lusus
Spectavit ; nugæ tùm placûere meæ.
Pagina stulta nimis ! Granta est Hic altera solus ;
Vel Grantæ ipsius non Caput, at Cerebrum.
Sed si, Authore tuo, pergas, audacior, ire :
(Audacem quemvis candidus ille facit.)
Accedas tanquàm ad Numen formidine blandâ
Tristis, & hæc illi paucula metra refer.

Sub vestro auspicio natum bonus accipe carmen,
Viventi auspiciū quod sibi vellet idem.
Non peto, ut iſta probes ; tantūm, Puerilia, dicas,
Sunt, fateor ; Puerum sed satis illa decent.
Collegiū nam qui nostri dedit ista Scholaris,
Si Socius tandē sit, meliora dabit.

Vestri favoris studiosissimus,

A. Cowley.



Ad Lectorem.

Non sum nescius quanto cum periculo emanare in vulgus hanc fabulam passus sim; tantum interest Spectator, an Lector sis Comedie, quamvis Amicus, adeo ut misellum hoc opus, quod satis ex se deforme est, pulchritudinē suam amittere necesse sit, quam illi Lucerna, vestes, Aëtor, nobilissima frequentia addiderunt. Sed hoc cum ceteris commune, illud nostræ proprium est, quod plurimis in locis, eisq; , qui, nescio quo fato, maximè placuerunt, ne intelligi quidem, nisi à quibusdam possit, ut in Morionis & Gelasimi partibus, præcipuè verò cum aperitur Schola, ita ut huic libro accidat, quod solet ignobilibus, qui, nisi in civitate suâ ubiq; ignorantur, ita nascuntur Calendarii similes in usum unius tantum regionis. Sed voluntati amicorum satisfaciendum est, non timori meo; & effecit benevolentia illa, quâ priores meas nugas, & veluti vagitus Poëticos (nam (proh pudor!) penè ab infantiâ nugatus sum) excepisti, ut Ingrati crimen subeam, si tibi negem lusus meos. Immemoris si

Ad Lectorem.

formidem. Aliquis autem dicat vir gravissimus
(& fortassis etiam dixit.) Eone impudentia ven-
tum est ut hornus adhuc Academicus, Comediam
doceat ? Quod nunquam quisquam eâ etate ag-
gressus est, id ne sibi arrogat insolens puer ? Egone
tale quia in me admisi ? Quod si crimen quidem
sit, illius invidia nunquam tanti erit, ut huic sal-
tem crimini expurgationem aliquam parem. Nam
Tibi, Amice Lector, si audacia nostra placuit,
Egō vel iterum tui causâ tam insolens fierem.

Valc.



Scena Dunkerka.

Dramatis Personæ.

GNomicus.
Gelasimus.

Morion.

Dinon.

Bombardomachides.

Eucomissa.

Ægle.

Psecas.

Æmylio.

Calliphanes.p.

Calliphanes.F.

Polyporus.

Academicus 1^{mus}.

Academicus 2^{us}.

Mulier.

Bajuli 2.

Κῶφα πρῶτα.

Lorarij 2.

Bajulus.

Exorcista.

Tutor Gel.& Mor.

Hares dives, unicus Merion's.

Suppositivus filius Polypori.

Illorum servus.

Mi'es.

Filia Bombardom. (soror.

Captiva Bombard. Æmylionis

Ancilla Eucomissæ.

Captivus Polypori filius Polypori.

Senex.

Ejus filius, Ægles amatus.

Mercator Anglus.



Prologus.

EXi foras inepte ; nullamne habebunt hic Comediam ?
Exi, inquam, inepte : aut incipiam ego cum Epilogo.
Tun' jam Sophista junior, & modestus adhuc ?
Ego nihil possum, prater quod cateri solent,
Salvete cives attici, & corona florentissima.
Sed cedo mihi pileum, si necesse est istud agere.
Utinam illum videretis, plus hoc spectaculo
Risuros vosmet credo, quam tota in Comedia.
Iam nunc per rimam aliquam ad vos omnes adspicit.
Nisi placide intueamini, actum est de Puero.
Tragedia isthæc fiet, & Naufragium verum.
Disturus modo Prologum, Novi, inquit, peccatum meum.
Prodire, nisi personatus, in hanc frequentiam
Non audet, & plus sua rubescit purpurâ.
Illius ergo causâ, finite exorator siem
Ut nequis Poeta vitio vocat no vitio,
Quodq; non solet fieri, insolentiam putet.
Nisi fari inceptaverit, nemo est futurus eloquens.
Qui modò pulpitum fortius, aut Scenam concutit,
Aliquando balbutivit ac timuit loqui.
Neq; annos novem pascite ; Non est, Spectatores optimi,
Adultæ res, sed puerilis, Ludere.
Vetus Poeta Comico cessit in convitium.
Quis suum dieculæ invidet crepusculum ?
Quis violæ, quodd primò oritur, extinguit purpuram ?
Favete & huic Flori, ne tanquam Solstitialis Herbula
Repente exortus, repentinò occidat.

Actus



NAVERAGIVM IOCVLARE COMÆDIA.

Actus Primus.

Scena Prima.

Dion.

(Celeusma intus)

Siquidem adaptantur humeris onera, huc me
actutum Sequimini:
Ego vobis prospiciam; nimium hi nautæ at-
trectant picem manibus: (bus
Mirum herclè est quin malo caveant, tam propinqui funi.
Qui suum quotidie fatum quasi accuratè complicant. (res
Vt clamant modò! Susurrare præ his *Tempestatem* dice-
Gratias habeo quod abs sese, & his suis nos amisit mare.
Vtrumq; est æquè turbulentum, & ad aspectum utriusq;
vomeres.

Itaq; incolumem hic te videre, seriò lætor, *Dion*:
Polyporus huc me misit *Herus*, cum Filio simul
Ejusq; sodali, ut euntibus servirem peregrè,
Quorum alter, naturâ bardus, nihil ultra quaritat,

B

Alter

Naufragium Ioculare.

Alter & industriam addidit, uti insaniret strenue.
Hos ducit quasi Tutor eorum *Gnomicus*, ita homo,
Qui, rectè si saperent stultos eis annum redderet,
Nil extra carmina, atq; sententias loquitur carnifex:
Vix soleas, nisi ex *Virgilio* poscet, ita poetâ abutitur.
Hem *Dion*, vin' ta homini stulto auscultare mihi?
Succenturi jam nunc gnaviter in corde Sycophantias:
Nam si bolus iste tantus eripiat ex faucibus,
Nunquam iterum occasio dabitur, fortunatus ut fies.
Ignota regio; heri stolidi, ac divites: tum ego, *Dion*.
Plenus fallaciæ servus, & pecuniæ indigens.
Næ *Oves* commisit lupo, hos mihi qui concredidit.
Atq; eccos ipsos de navis; eccum autem *Gnomicum*;
Vt magnifice infert sese! gradiri *Iambum* crederes,
Concedam istuc: hem *Bajuli*, an dormitis super sarcinas?

Scena Secunda.

Gnomicus. Morion. Gelasimus, Dion.

Gno. Quod fælix faustumq; sic (quâ formulâ delectabantur Veteres)

Egressi optatâ Troes potiuntur arenâ.

Ne a *Virgilio* nostro poetarum omnium facile principe
Quem ego honoris causâ nomino, transversum digitum,
Aut unguen latum excedamus, ut pulchre in proverbio.

Mor. Tutor, gratulor tibi huc adventum meum.

Gn. Dixisses potius tuum,
Nam hoc esset more *Aulico*.

Mor. Immo utrumq; mi Tutor *Gnomice*,

(*Dion Bajuli.*)
Quem

Naufragium Ioculare.

Quem ego honoris causâ nomino; sed quænam est hæc
Regio?

Nam in hi non magis nota est de facie, quam si esset, Terra incognita.

Din. Adsumt *Bajuli* cum sarcinulis.

Baj. Quo portamus Domine?

Din. Ad tabernam proximam diversoriam, ego ostendam locum.

Gno. Quin *Bajuli* edico vobis, quod Simo senex in Comædiâ,

Vos isthæc intrò auferte; abite; *Dinon*, sequere;
Non, paucis te volo.

Mor. *Dinon*, st! ego paucis te volo.

Memento de vino bono.

Din. Here factum puta,

Nam nihil mihi potius est, quam in hæc re animo tuo obsequi.

Mor. St! *Bajuli*! quin dico, sistite vos mihi *Bajuli*.

Baj. Quid est quod nos velis?

Mor. Cavete de sarcinulis,

Ne quassæ sint vehementer aut jactæ in terram fortiter.

Baj. Numnam insunt ultra?

Mor. Non, non, non, sed nolo aurum nimis premi:
Ne forte imago regia aliquid detrimenti capiat,
Et læsæ Majestatis reus fiam; sat sapio mihi, diis gratias.

Exeunt Dinon Bajuli.

Gn. Pish, verbum sapienti sat est: norant quid velis, abite
Audin' lætitiâ nautarum! ferit aurea sydera clamor.

Celestina intrat.

Mo O muscos homines! utinam ego essem navita:
Vix me abstineo, quin clamem. (Clamat.)

Celestine, quid tu tristis es?

Gn. Quid frontem, ut dicam Metaphorice, caperas *Celestine*?

Naufragium Ioculare.

Gel. Egon' tristis? nor; meditabar tantum de naturâ
maris.

Cui Dij Deæq; malefaciant omnes, nunquam navigabo
postea.

Nam nihil navigatione magis incommodum est ingenio
bono.

Adeo non potui modo unum jocum exprimere, quem di-
cerem *Bajulis*.

At antequam conscendi navim solebant vel invito mihi
effluere,

Donicum omnes dicerent satis, satis, satis, satis est.

Gn. *Gelasime*, ut aridet tibi

Navigatio tua? quid jam de mari?

Gel. Amara res est oh! benè est, quod me ipsum colligo:
Hic primus jocus est quem dixi in his regionibus,
Et est tantum parvus jocus, meliores certè soleo.
Adeste æquo animo, & meliores audietis postea.

Mor. Hei ho! o hime!

Gno. Quid est *Morien*? cur imo gemitum de pectore
ducis?

Secundum poetam.

Mo. Totus contremisco cum de rebellante meo stoma-
cho cogitem,

O jentaculum illud, quod ego de tabulatis totum evomui!

O ova! o vinum! oh fumen! hæc omnia infælix perdidit.

Obsonavi piscibus largitèr.

Gn. Quis talia fando

Myrmidonum, *Dolopumve*, aut duri miles *Vlyssi* (eupho-
niæ gratia)

Temperet a lacrymis? video certè rectè dici a veteribus.

Ille, *Dolopis*, *Vlyssi*, *Pisæ* *arget*.

Sive ut ego juvenis in Pentametrum Latinum transtuli.
Sunt tria mala viris; Ignis, Aqua, Mulier.

Mo. Præterea, Tutor, aliquid aliud certe, me nimis malè
habuit, Nam

Naufragium Ioculare.

Nam cum, ex alto terram procul prospeximus:
Continuò ut nos propriis accessimus, illa aufugit longulè:
Idque ità ego observavi ipse.

Gno. Vides ergo, quod (amara:
Post nubem Phœbus, Dulcia non meruit qui non gustavit
Multa diuque tuli: Difficilia quæ polehra!
Per vârios casus per tot discrimina rerum
Tendimus in Latium: Plurimâque alia
Commodè a veteribus dicta sunt in hanc sententiam.

Gel. Omittis, *Mo* ior, tempestatem reminisci.

Mor. Rectè mones:

Nunquam tam malè metui ne ad cœlum irem ingrâtis.

Gno. Iam-jam tacturos sidera summa putes,
Sed cho tu, adeon' vero metuis *deorū deorū?*

Mor. Quidni metuam? (Deorū?

Nolo tam durum in me dici quicquam vocabulum: *deorū*

Gel. Ego meherculè tunc temporis guttam non habui
sanguinis,

Prætimore, ne sub Ponti Marmore sepultura nobis fieret.
Intelligis Tutor? ambiguum id verbum est: ludo in nō
Marmore.

Numnam auditis hoc? stabo promissis meis si attenditis.

Mo. Dii te perdant, adeo in omni sermone facetus es.

Gel. Ain' vero? tunc maledicis ingenio meo?

Mo. Quidni? quæsq; annon ad hæreditatem nati sumus?
Tui Filius nam maximus doctis diâis animum applicas?
Vitium, Gelasime, vitium est.

Gno. Quid est adolescentes? revocate animos, mæstimq;
timorem

Mittite, nam jam in vado sumus, cum Proverbio.

Mo. Obserro te atque etiam oro uti ne revertamur do-
mum.

Nam oppidò mihi arridet hujus loci facies.

Gno. Potin' igitur

Ut suscipias animum si nunquā patrē sis visurus denuo?

Naufragium Ioculare.

Mo. Hercle verò satin' mihi exciderat Pater de memoriâ?
Perquam molesta res est Pater, sed nisi fallor non semper
vivunt senes.

Gela. Video me frustra esse: necesse est ut revocem ad
me fugitivum meum ingenium.

Mor. Nimis diu hercle est, ex quo ego ebrius fui,
Atque adeo annus videtur, donicum in hac regione probe
madeam.

Gela. Tutor, cedo, quid faciendum est jam nunc: pe-
timusne diversorium?

Ibique omnem hanc ex animo eximimus lassitudinem?

Mor. Imo illic bibamus strenue.

Gel. Rectè, & postilla faciam carmina.

Mor. Atque ego dormiam.

Gno. Faciesne adolescens carmina?

At non constabunt tibi Pedes posteaquàm strenuè bibe-
Intellextin' Gelasime, quod velim per Pedes annon?

Gela. Ha, ha, he. Eugepæ! ob istuc te dictum amo plu-
rimum.

At nisi eripuisses ex ore mihi, equidem prævortissem te
Et certè magnus jocus est: donabo hunc pugillaribus,
Carmina—tibi pedes—biberis—Ha, ha, ha, he (*scribit*)

Mor. Næ istos omnes jocos dii perdant: nam ante hoc
temporis

Madere potuisssem, nisi quod diem malè amisimus.

Gno. Eamus igitur, nam scriptum in poetâ invenimus,
Ennius ipse Pater nunquam nisi potus ad arma profiluit
dicenda

Ubi Pater, quia erat primus; Arma, Metaphorice, & alio
loco,

Fœcundi calices Quem non fecere Poetam?

Gela. Pulcherrimè! Quem non fecere Poetam!

Mor. Si me certe facere possent, nunquam vel pitissa-
rem postea.

Poetam!

Naufragium Ioculare.

Poetam! vah! sumne ego Filius Polipors natu maximus?
Gno. Bene habet: jam vos instituam optimis secundam hunc locum atque aetatem moribus,
Docebo peregrinandi artem, atque edicam Formulas.
Persuadendi, deridendi, atque adoriendi homines:
Donec omnes mortales vos admirentur æq; ac me.
Sed prius intro eamus, nam melius hanc rem præstabimus
Impleti veteris Bacchi, pinguisque ferinæ.
Mor. Longè hercle melius. *Exeunt.*

Scena Tertia.

Æmylio.

Æm. Enimvero ego jam nunc incedo vir ornatissimus,
Meque ipse dum contemplor magis, continuo in mentem
venit.

Hominum catenulis suspensorum jamdiu in viâ regiâ:
Næ illi vestitu solent esse ad istam planè faciem.
Neutiquam hoc placet omen: quanquam si eveniat, hoc
volupe est mihi

Quod hisce ego vestibus commodare non possim carnifici.
Nolo ille homo per me dite scat: sed interea temporis
Dii vestram fidem! quid mihi faciendum est misero?
Num fiam (qui hic rara avis est) Philosophus denique?
Qui possim, nisi forte Cynicus, adeo oblatrat stomachus?
Num impendam operam foro, ac contorquendis Legibus?
At malum hercle omen est auspicari id studium, in For-
mâ Pauperis.

Dicer aliquis, bono ingenio es: adjuuge animum Poeticæ:
Quamobrem vero? adeone parum inops sum, ut fiam magis?

Naufragium Ioculare.

Nam hæc recta via est ad egestatem : præter ea frustra hoc sperat animus,

Nunquam ego evadam Literatus homo, sat scio,
Vnam de me ipso nisi si Literam longam faciam.

Quid igitur agere instituam? nam agendum esse aliquid id venter admonet:

Et Plurimum præstat manu meâ, quam Laborare in hunc modum fame:

Quamquam cum magis cogito, quid est, opera quod conficiat mea?

Nisi si ad abigendos Corvos memet Hortulano collocem.
Quod præstare optimè poteram cum ornatu hoc formidolosissimo.

At non est, uti nimium properem properare ad id muneris
Nam, velim nolim, sat citò ad Corvos eundum est mihi.
Lubet mehercule suscipere meam veterem de novo provinciam.

Aliquid intendenda est in aliquem fallacia: hoc fixum maneat.

Scena Quarta.

Æmylio, Dinon.

Æm. Sed quis hic homo est, qui sermonem nostrum arbitratur

Ex adversâ plateâ?

Quantum ex vultu colligo eodem laborat morbo, quo ego.
Et multi magni viri laborarunt.

Din. Herus meus Morion cum Turore Gnomico.

Ejusdem farinae homine & Gelasio æquali suo.
Dene intus potat, ibi illi tres conveniunt optime

Hos

Naufragium Ioculare.

Hos ego nisi emungam aliqui pecuniâ.

Sumne ipse stultus istorum multò maximus?

Nam heri *Poliporus* pater adprimè dives est,

Nescit, quid faciat auro; at ego quid faciam scio.

Æm. *Æ*depol servum graphicum! examussim sententi-
am meam

Locutus est adeò: hunc mihi notum esse oportuit,

Nam idem sentimus ambo, quod est in propinquâ parte
amicitiæ.

Din. Age *Dinon.* *Æm.* Oh, idæ tibi nomen est?

Din. Nunc specimen specitur *Dinon* ingenii tui,
Nisi aliquam fabricam facias, non causam dico

Quin omnes te uno ore prædicent servum minimi pretii,

Æm. A me non impetro herclè, ut abstineam diutius,
Ita hominem amo perditè. *Dinon*, salve,

Gaudeo sanè, quandoquidem huc salvus veneris,

Valuisti n' usque?

Din. Quænam hæc larva est?

Quantum de veste conjecto hic stipem petit;

Oh! scio quid dicturus: Miles sum, potitus hostium,

Occisus jam bis in bello, confossus millies &c.

Parcas labori tuo: nihil do: benè vale.

Æm. Quasi non norimus nos inter nos, mitte has tu-
gas, *Dinon.*

Vbi est Herus tuus? pulchrè os sublinemus homini.

Din. Quid (malam) vis tibi? tun' herum nosti meum?

Æm. Tanquam te.

Din. Ita sentio.

Æm. Non novi fungum illum?

Bardum, Baronem, stipitem, asinum, ovem?

Quem tondëbimus auro hodie usque ad vivam eentem?

Din. Hic pol herum meum (quicquid id est) suo appella-
lat nomine.

Iurares novisse hominem, ita depinxit probè.

Quoniam verò tam familiaris es, facito ut sciam,

Quod

Naufragium Ioculare.

Quod nomen tibi sit amico atque necessario meo.

Æm. Quasi verò oblivisci potis sis, facetus es, *Dinon.*

(*Amplectitur*)

Din. Non non, quæso move te abs me longius, nam licet te amem,

Memini me semper odisse servulos tuos, nihili bestias.

Æm. Quos servulos memoras? Ego meos reliqui domi.

Din. Nempe a tergo sunt, funguntur officio suo, Nam tu, tanquam alter Bias, omnes tuos tecum portas.

Æm. Ah nequam! idem es, video, qui fuisti prius. Appuero te novi, semper mordebas aliquem.

Din. Egon? mordebam verò? id servuli faciunt tui.

Æm. Non est ut ab illis timeas, *Dinon*, licet confitear, Me festas meas vestes non induisse hodie.

Cogitabam domi me mansurum, sed quid refert?

Omnes me norunt, non est uti laborem de vestitu.

Din. Falsum: ego te non novi, Diis gratias, Sed rectè, mi vetus amice, adeò ornatum negligis, Nam virtute formæ evenit, te, ut, quicquid habeas, deceat, Sed si tenebris fortè surgeres, diligentia opus est Ne induas, subligacula in diploidis loco, Adeo difficile est utrumque in te distinguere.

Æm. Æstive tectus sum de industriâ; sudor me enecat.

Din. Consilium dabo, amice, si me audias, per bonum, In rem tuam esse arbitror, ut moriaris quam primò poteris Nam rure te, Ediles forsitan ad sepulturam dunt, Et, quod anno non fecisti, obvolutus jacebis linteo.

Æm. Nolo obsonare vermes.

Din. Quam pediculos satius est.

Obsecro Amice, quo avolvat collare, & subucula?

Ne tantillum quidem usquequaq; gerit linteum

Quod digitum tegat, si eum casu vulneret.

Æm. Lotrix habet, quid tua?

Din. Ille galerus jam cribrum est.

509

Revereri

Naufragium Ioculare.

Revereri me necesse est ; operire non potes caput.

Æm. Admitti solem volo : quæso an id invides ?

Din. Nunquam antea oculis vidi meis ambulare sterquilinum.

Æm. Nunquid dignum habes familiarem ludo ludere ?
Si serio faceres. — *Din.* Quid tum ?

Æm. Acciperem joco.

Din. Ædepol hominem perpaucorum hominum ! ingenium perplacet.

Sed negotiosum me decet esse aliis negotiis.

Vale, bone vir, cum revocâim in memoriam qui sis, revortar tibi.

Æm. Obsecro, num amicum deseris ? quid faciam ?

Din. Terpsum pensilem.

Æm. Da igitur drachmam, non placet ita prodigere de meo.

Quin morare, verbo expediam quid est quod te velim.

In Morionem herum tuum tragulam iniicere

Animum induxisti, ne nega ; induxti, scio.

Hanc si devolvâs mihi met provinciam

Ita argento illum circumvortam consutis dolis,

Ut reverâ me dicas postea necessarium tuum.

Miles hanc domum nostræ commisit fidei

Servandam in reditum suum *Bombardomachides*.

Peropportunus, istic locus est, tum autem ego

(Dimidium mearum Laudum prætereo præ modestiâ,)

Ita retexo omnes mortales, quemq; præhendero,

Ut oppido se tactos credant modo si conspexerim.

Din. Ut loquitur, ne crumena pertunsa sit, mihi valide cautio est.

Nimio fuit familiaris. *Æm.* Idem à te caveo *Dinon*,

Nam propè adstitisti : salva res, nihil nactus es.

Din. Dij me amant, quandoquidem huic hominem objecerunt mihi,

Iam

Naufragium Ioculare.

Iam nunc aggrediar facinus auspicio liquido.
Nam cum isthoc comite vel ipsi Mercurio verba darem
Ita omnes articulos callet sycophantiæ.

Quod nomen tibi dicam esse? *Æm. Æmylioni.*

Din. Tum bone *Æmylio* da mihi manum, conditionem accipio.

Dabin' verò iusjurandum te fidelem fore?

Æm. Do deos testes tibi: quæso cui mortalium
Præstanda est, fidem si inter nosmet frangimus?
Sed moram dictis creas, dic qui sint homines,
Vnde, quid veniant, nam adibo, quasi ætatem nossem.
It dies, & nondum pecuniæ iniicio ungulas.

Din. In viâ tibi dicam omnia: sed cum istocciæ
Ornatu, mi *Æmylio*? *Æm.* Pish, potin' ut quiescas?
Annon vestitus tibi videor satis basilicé?

Din. Ut voles, esto: satin' ex improvîso tandem
Amicitia tanta ieta est? *Æm.* Meus bonus Genius!

Din. Meus alter idem? *Æm.* Meus *Pilades*!

Din. Orestes meus! *Æm.* Meus—— Sed, a pò, pnyxavîs!

Din. Mitte tricas, I præsequar.

Æm. Quasi essem tam malè moratus, mi *Pilades*?
Peregrino semper——

Din. Vi, audeo te a tergo relinquere.

Tibi herclè locum cedo, tu nebulo major es.

Æm. Eamus ergò simul, mea commoditas.

Din. Mea opportunitas, eamus.

Exeunt.

Scen.

Naufragium Ioculare.

Scena Quinta.

Gnomicus, Gelasimus, Morion, Puer.

Gn. Vti in primo Aëtu Menæchmi, Scenâ secundâ dicitur
Sepulchrum habeamus, & hunc comburamus diem.
Eugè Plautus, & τὸ 78 πλάγος dictus ! sic Horatius
Diem condere, & ὁ ποιητής Latii per excellentiam,
Imque diem clauso componit vesper Olympo.

Gel. An dies mortua est? ha, ha, ha, ha, an inquam dies
mortua est Tutor?

Mor. Moriatur sanè, aut suspendat se, si volt, *Puer*, cedo
vinum.

Hum——nullo magi' vetus? *Pu.* Illicó, illicó. (*bibit*)

Nullus est in totâ urbe qui tibi melius præbeat,

Si ejus frater esses. *Mor.* Frater, carnifex?

Non sum ego Polyporo unicus? sed periculum faciam,——
(*bibit*)

Pu. Vt scintillulat, quasi—— *Mor.* Scintillulat? videam
Fortassis hoc præstat——certè scintillat probè (*bibit*)

Quid(malum) an captas pedes meos? *Pu.* Egon' Domine?

Mor. Dimidiatum tibi cyathum nunquam Tutor, por-
rigam.

Moratus sum melius——da Tutori, *Puer*, (*bibit*)

Pu. Illico, illico, inquam, non possum esse hic & illic simul

Gel. Obstupefaciam jam ego puerum ingenio meo.

Adi sis. *Pu.* Maxime. *Gel.* Ades dum verò Minime.

Vt verbum retorquco? quid agis Minime? *Pu.* Vides.

Gel. Ita nimio exiguus fueras, ut vix hercle poteras.

Pu. Illico, illico, jam venio, jam, jam, vinum ocyus in

Coronam:

Gel. Avola-

Naufragium Ioculare.

Gel. Avolavit : unico planè dicto occidi hominem.
Ira omnes quibuscum loquor semper maesto infortunio.
Hominem tetigi jocos quarto Nonas Februarii sub signo
Rosæ. (Scribit)

Gno. Ah parcas irridere illum *Gelasime*.
Ingenui vultus puer est, ingenuique pudoris.
Adi sis propius : quid oculo os defigis ad o? attollas caput,
Nescis derivari ἀνδρωπων ἀπὸ τῆ ἀνω ἀδρείῃ?
Pronaque cum spectent animalia cætera terram,
Os homini sublime dedit, cælumque tueri
Iussit, & erectos ad sidera tollere vultus.

Gel. Non quit respondere : ita joco interfeci modò.
Euge *Gelasime*, nunquam commutatus clues.

Mor. Puer pete ocyus vinū: quid horas bonas perdimus?

Gno. Audin'? sit Coumi, Massicum, vel Leucadium,
Falernum, Lesbium, Cœcubum, atque audin'? ne sit
Aut Vaticanum, aut Vejentanum, aut Laleranum cave,
Namque hæc in aliam partem accepta apud Authores le-
gimus.

Pu. Factum puta : Vinum ocyus in Rosam.

Mo. Puer revertere sis:

Fac poculum teipso majus uti simul afferas.
Nam pro vitello ovi ebibere te ex cyatho poteram.

Scena Sexta.

Æmylio, jisdem.

Pa. Quo pergis bone vir? nolunt hi fidicinem:
Abi cum cantiunculis novis. *Æm.* Ain' Nauule,
Ramentum! Triental hominis! Naturæ avaritia!

Noni

Naufragium oculare.

Non licet amicos a' loqui? *Pu.* Amicos tuos?
In popinâ cœcâ quærites: vinum non bibunt,
Nisi fortè in Principis natali cum ex canalibus funditur

Æm. Quin abi in malam rem furciferule. —

Pa. Illico; illico.

Exit.

Æm. Salvere vos plurimùm jubet amicus voster vetus:
Et vivos valentesque huc advenisse id volupe est mihi.

Facit hoc fortasse vestis insolentia

Vt fugiat vos memoria qui sim,

Gel. Non multum falleris.

Gno. Rem acu tetigisti, nam sic melius dictum reor.

Æm. At vestrum ego & memini, & semper faciam ut
meminero.

Nam Morionis patri *Polyporo* jam olim summus fui,
Postquam peregrè advenientem hospitio me exceperat.

Gno. Næ bonâ memoria es: didicisse artem, arbitror,
Quam (referente Cicerone) invenisse dicitur *Simonides*.

Æm. *Gelafime* salve (Dii faciant ne falsus sim) salve
Morion.

Mor. Ego non magis te novi quam Hominem in Lunâ:
Sed si vis, salve.

Gel. Hunc etiam hominem ludos faciam.

Nunquid vestes etiam tuæ (ha, ha, hæ,) abierunt peregrè?

Æm. Modò admodum ex bello redii, commutare non
licuit.

Ita vos ut audivi advenisse properavi visere.

Gel. Ædepol vestes malas! an ex bello aufugerunt?
An ostenderunt terga? tua terga hic intelligo.

Æm. Oh; benè herclè gaudeo quod significaras mihi,
Nam illic jocus est, *Gelafime*, antiquum obtines.

Gel. Novit me iste proculdubio, non urgebo amplius,
Ha, ha, ha! An ostenderunt terga?

Nolo jam coram peregrino, post scribam tamen.

Æm. Hanc mihi quam videtis, stragem effecerunt gladii,
Tum

Naufragium Ioculare.

Tum galerum cernite, eccam tormentorum operam,
Annon odos Pyrii pulveris objectu' st naribus?

Gel. O bellum quasi minimè bonum!
Ibi ego iterum; nunquam cessabo hodie.

Gn. Bella per Æmathios plusquam civilia campos,
Satin' hic homo excidit mihi de memoriâ?
Pudet oblivisci familiaris tam malè,
Ne superbum dicat, assimulabo quasi sciam.
Incertus sum quis fiet, sed hoc nil refert,
Amicus certus in re incertâ cernitur.

Æm. Ut valet uxor *Polypori* ut senectutem fert?

Gel. Quasi injuriam, Malès Si centum peregrini adsint
Nunquam tamen omittam istoc scribere. (*Scribit.*)

Gno. Ohe! jam satis est: nunc salve, amice optime,
Dis simulavi per jocum (ut aiunt) quasi non nossem prius.

Gel. Nostin' verò, Tutor, seriò dic nomen obsecro.

Gn. Nomen? quasi —vorsatur mihi in labris primo-
ribus.

Æm. Perii: nomen amisi: oh! Peripolemarchus est.

Gno. Dii boni! ita est profectò: sæpè obliviscimur
Quæ callemus, ut proverbium facetissimè, tanquam digitos.

Gel. Certè quoque cum animo cogitem, quasi per nebu-
lam memini

Me vidisse illam faciem. *Mor.* Tum ego memini quoq;
Itaque propinabo tibi. Hem! Peripo — Periplome —
Non multum refert, nosti quid velim, tibi præbibo.

Gno. Sedeamus omnes, in re omni servanda est Me-
thodus.

Sic melius carpemus munera Bacchi. Clama puerum
Gelasime.

Gel. Non parebit mihi Tutor, ita derisi modò.

Gno. Heus puer, ascende ad culmina tecti.

Pu. (Subt.) Statim venio, Illico.

Gno. At citius quam coquantur asparagi. En, age se gnes
Rumpo

Naufragium Ioculare.

Rumpe moras.

Æm. Prædam habeo: salvus sum: tres hosce Agnos
Duæ res statim pessundabunt, Ebrietas & Ego.
Eho tu! dum vos hic largiter siccamus cyathos,
Iube cytharistria intus nos oblectet canthuncula.
Circumfer tu merum; da bibere plenis cantharis.
A summo incipe.

Gno. Peripolemarche, pulchrè admones.
Iuvat insanire.

Mor. Nimio nimis sum sanus diu.
St! Pax! oh harmoniam! ut vibrasset! (Cantio)

Gno. Hem *Morion* clauduntur lumina somno?

Mor. Non, non, non.
Sine me esse nihili. *Gel.* Madet pol *Morion*.

Mor. Madeon' *Gelafime*?
An ego madeo, Tutor? cedo gladium *Peripomarchides*.
Gel. Videon' ego circumfusam illiciturbam hominum?
Planè ebrius es *Gelafime*, per Deos immortales ebrius es.

Gno. Arma virumque cano *Trojæ* qui primus ab oris
Italiam fato profugus — hic illius arma
Hic currus fuit — circumfer merum, caruifex.
Multum ille & terris jactatus & alto
Vi superum, sævæ memorem — porrige mihi poculum.
Amice, benè me, benè te, benè noster *Virgilius*.
Arma virumque cano — (Bibit)

Mor. Benè habet: ego iterum potabo ne me credant
ebrium. (Supra)

Dis. Horunce hic ego facta est sermones legam.
Quam strenuè Genio indulgent! faxo, si vivus vivam,
Plus uti eras lacryment, quam ebiberunt hodiè.
Tum vos, si *Baccho* placet, in hunc modum, hilarem
Sumemus diem, atque amænum: Ebrietatem sitio.

Æm. Nisi dissimulem quasi biberem, herclè me evertent
cyathis,

Naufragium Ioculare.

Ita properant interire : Dii me beatum volunt.

Mo. Ego non sum ebrius *Gelasime.*

Gel. Neque ego.

Mo. Neque ego.

Gel. Benè igitur; salutem tibi.

Mo. Enimverò ego sum ingeniosissimus.

Gel. At ego multò magis.

Mo. Tun' magis?

Gel. Inquam, Magis.

Mo. Benè, sum tamen ingeniosissimus, hem! propino

Gel. Vix lacrymis abstinco equidem, ita te amo *Morion.*

Mo. O *Gelasime!*

Gel. O *Morion!*

Gno. Move manus ocyùs;

(*Puer Exit.*)

(*Dinon intus sonitum facit & celeusma.*)

Quid stas? colaphù impingam tibi grandem cum Comico.

Mo. Dii vostram fidem! tempestatem magnam! camus oratum Tutor.

Gel. Tempestatem verò! certo certius turbo exortus est, Ità vehementer conquassat navim, ut vix queam stare.

Gno. Ecce autem, clamorq; virum, stridorq; rudentum! Satin' in navi nos esse obligus fui? hem! curate navitæ, Ne navis confringatur, neve impingat forsitan in Scopulum,

Tempesta increbrescit.

Din. Pol mortales graphicos

Periimus, navis periit, ad extrema se paret quisque.

Nesciunt jam vocem meam; ego, puchrè delusos dabo.

Æm. Dinonis illa vox est; *Eugepæ!* factum est optimò.

Gno. Apparent adhuc sydera: hìc Pollux, illuc Castor est.

(*ad lucernas.*)

Æm. Hem! nauclere, nauclere inquam! quamdiu vivimus?

Din. Vix horæ dimidium; periimus!

Mo.

Naufragium locale.

Mo. Heu quid faciam miser?

Præ timore iterum vomam; si jam undis obruar.
Nunquam navigabo postea.

Æm. Adesdum, adesdum inquam, *Gno. icei*
Viden' fluctum illum decimum?

Gno. Decimæ venit impetus undæ;
Posterior nono est, undecimoque prior.

Gel. O si quis bibere jam queat Salutem mihi!
Non possum non joculari hoc ipso in articulo.
Expirabo animam joco.

Mo. Non possum pati me mori.

(*genu flectit*)

O quoties peccavi ego! (*bibit*) Madui quoties! (*bibit*)
Quoties scortatus sum! (*bibit*) nunquam videbo patrem,
Nunquam post hæc bibam, (*bibit*) abi sis uter miser.

(*frangit*)

Convertamus nos Tutor, ad preces illicò.

Gno. Maximè:

O terque quaterque beati,
Queis ante ora Patrum, Trojæ sub mænibus alsis
Contigit oppetere.

Pu. Ecquid nos vocastis?

Æm. Dii te perdant, ita inopportunè huc te coniicis.
Abi sis furcifer. (*extrudit*)

Gno. Quod fit?

Æm. Rogas?

Vidistin' ut ad prostratam modò Deus aliquis marinus adstitit?

Gel. Non, erat piscis magnus. *Æm.* Piscis?

Gel. Piscis mehercule,

Mehercule, inquam, piscis, ex voce id satis colligo.

Din. Funes rupti sunt, disiecta vela, navis lacera est.
Actum de nobis, Socii.

Mo. O mortem—— quid faciam?
Obsecro arque oro vos pisces mihi parcite.
Ego filius sum Polypori natu maximus.

Din. Exonerabo hunc ego congium in eorum capita.

Naufragium Ioculare.

Periimus, ho! socii, periimus, absorbet nos mare, (*delicet*)
Iam, jam absorbet, periimus.

Gn. O nos miseros! viden' ut aquas puppis combibit?
Servare hanc familiam ipsa non poterit Salus,
Ut pessimè Comicus. O Peripolemarche, quæso duc me in
inferiora navis.

Gel. Et me, me, me, me etiam obsecro.

(*Detrudit in cellam Bombard.*)

Mo. Valere; ego jam moriar. (*cadit*)

Din. Ha, ha, ha! dii vestram fidem, rem venustam, &
lepidam!

Non potuit evenire melius, quam evenit isthæc fabrica.

Æm. St! st! *Dionon*, st! descende, altum dormiunt;
(*Dionon descendit*).

Næ ego multum fallor, nisi hi homines naufragium ve-
rum fecerint.

Puer ingreditur.

Pu. Non, non, non; repræsentatam prius
Pecuniam oportet esse pro his quos fecerunt sumptibus,
Antequam hunc etiam auferas.

(*Morionis loculos spoliat, & dat puero pecun.*)

Æm. Pecuniam? lubentissimè, lubentissimè accipe sis.

Pu. Iam habe tibi hunc asinum; illicò, illicò. (*Exit.*)

Æm. O Iovem, cæteroque cælites!

(*Fallunt Morionem*).

Necesse est risu spectatores emoririer
Si rem transferret istam in Comædiam quispiam.

Exeunt.

ACTVS

ACTVS Secundus.

Scena Prima.

Dixon, Æmylio habitu Mar.

Din. Æmylio, ecquid stas animo? quin iterum, inquam,
Æmylio :

Heredis illæ vestes sunt; vereor ne cerebro incommodent:

Æm. Para tibi ornatum novum, & tum mecum fabu-
lator postea,

Quauquam insolens fecero, si sermonē seram cum servulo
Fortunas hæc meas sublatas animus decet.

Siquidem fidelem te præstitisti, hẽm manum ad oscula.

Din. Faxe pol osculeris meam, siquidem in os pugnos
ingeram.

Æm. Siquidem herclẽ ingeras, faxe mihi os esse senseris.

Sed ne accedas adeo; odi semper servulos tuos, nihili bestias

Scio quid dicturus, miles sum, potitus hostium

Occisus bis in bello, confossus millies, &c.

Parcas labori tuo; nihil do. benè vale.

Din. Quasi non norimus nos inter nos, mitte nugas

Æmylio.

Æm. Ego Comes Æmylio vocor, ne nomen nescias.

Din. Ergo comes & amice mi Æmylio, respondeas velim.

Æm. Rogandi copiam tibi facio, audacter loquere.

Din. Dii te perdant nugiyendule, hoc primũ Deos rogo:

Nunc te, scripsistin' litteras ad Polyporum?

Æm. Hum! quid ais? nos magni viri negotiis
Majoribus impediti, sæpe non advertimus, quæ dicta sunt.

Naufragium Ioculare.

Din. Exemplar, litterarum ad *Polyporum* videre velim.
Iamne audis?

Æm. Hum! Litterarum? potest fieri ut ostendam tibi.

Din. Potest fieri ut diminuam tibi caput nisi mittas has
tricas.

Æm. Obloqueris mihi sic ornato? lege has, inquam
ocyus.

Din. Diis gratias cunctis, marti & scorsim, meo
Domino atque Amico bono, quem colo lubens,
Fera inter pelagi monstra, Nerei greges,
Solitâ virtute filium cepi tuum,
Duosque amicos; servo nunc victos domi,
Victore me superbientes plurimum.
Huc properes, redimi sicupis, tantum est, Vale.

Dux Bombardomachides!

Obsecro an in hunc modum scribit *Bombardomachides*?

Æm. Sic loquitur quotidie: linguam cothurnatam gerit.

Din. Avi sinistra hæc res procedit, atque ex sententiâ.
Quid agimus nunc jam?

Æm. Ego agam *Bombardomachidem*.

Tu custodem; barbam induas, atque ornamenta cætera.
(*Induit*)

Hem istuc ocyus: jam Custos purus putus es.

Abi, atque educ captivos, narra rem ordine,

Vt capti sint vi, armis: hic vos operibor, abi. (*Exit Din.*)

Poteram ego nunc universos Mortales ludos facere;

Equidem meipsum pæne metuo: ne personatus *Bombardomachides*
(*ornat se*)

Verum *Æmylionem* fallat. Adeon' pervorsa es, *Chlamis*?

Efficiam uti rectius; sedcas: Hei! isthæc tiara st, *Pyramis*.

Exedificabo cum hac caput meum tanquam Elephantis,

Hem. Ego sum *Bombardomachidissimus*. (*Turrim gesso,*

Ga. Vnâ salus victis nullam sperare salutem. (*Intus*)

Ge. Quid ego nunc egi? nonne pugnabâ quemadmodû,
Hyrcana

Naufragium Ioculare.

Hyrcana Tigris, cum tenelli abripiuntur catuli?

Din. Strenuissimè omnium.

Gel. Certè: nisi multum me fallit memoria.

Mo. Ego etiam aliquid feci.

Gel. Vincuntur sæpè fortissimi;

Tutor, bono animo es,

Gn. Maxime; nam dictum est verissime,

In re malâ animo si bono utare, juvat: Di. Sequimini.

Æm. Adsumt; ego nondum comparebo.

(Exit.)

Scena Secunda.

Dinon, Gnomicus, Gelasimus, Morion (habitu Æmyl.)

Mo. Hei! Tutor! Tutor; ego non sum *Morion*:

Gn. Quid ais?

Mo. Per Deos immortales non sum, ego novi *Morionem* sat benè.

Gn. De cælo descendit γὰρ ὁ σεαυτόν. Noscis teipsum.

Mo. Non, non, non novi mehercule.

Gn. Quis igitur es? *Mo.* Quomodo ego scire possim?

Gel. Phy, phy, idem es.

Mo. Sumne? bene habet: sed undè hæ vestes *Gelasime*.

Gel. Sane nescio.

Mo. Nescis *Gelasime*? an hoc sufficit! quid ego respondeam patri?

Quid faciam? Tutor viden?

Gn. Non equidem invideo miror magis —

Mo. Hei! *Galerum*! video vos omnes per isthæc foramina.

Gel. Quasi fenestras habet.

Naufragium Ioculare.

Mo. Fenestras ! imo fores habet fores *Gelasime*, hei mihi.

Gel. Omnes ingeniosi sunt infælices propemodum.

Vtinâ cavissem isthoc crimine, parêtes prædixerunt mihi.

Mor. Et mihi, sed ego moré gessi, & tamen vestes perdidi.

Gn. Ego idem te admonui, seu potius, admonitum habui.

Odi puerum præcoci ingenii, inquit, Vir admirabilis.

Sed quid ego ita compte loquor in miseriis ?

Iam licet tibi verè dicere *Gelasime*.

Ingenio perii Naso Poëta meo.

Din. Nisi aliter vobis visum est accersam herum,

Nam vos conventos velit. *Gn.* Immo ; pro libitu tuo ;

Siquid me velit, Poëta respondere docuit,

Coram, quem quæritis, adsum, Trojæ Æneas. (Tutor.

Mor. Mene ut videat cum his vestimentis ? dic, qui sim,

Din. Exspectant te ; cave sis titubes, atque audin' etiam ?

Fac risum teneas, nam periculum id est.

Æm. Pish : vultum in manu habeo.

Æmylia.

Gel. Basilicè se infert, tanquam lapis ille Indicus,
Qui spectatorum omnium oculos fertur perstringere.

Gn. Ora humerósque Deo similis !

Mor. Totus horreo tremóque ; ego statim vomam.

Æm. Tonitru cum hostes vicinus feros bellico,

Vincere & nosmet quimus, ac vitam dare.

Mens nostra frangi nescit, at flecti potest.

Gn. O quem te memoré, Miles, namq; haud tibi vultus
Mortalis, nec vox hominem sonat, O Dea certé !

Æm. Eripere possumus lucem & lucem dare.

Sic fulminantis fertur potestas Iovis,

Medio sic bello valet Gradivus meus,

Quid armis possim, estis vos experti satis,

Dabimus alterna, sic visum est Fato & mihi.

Mor. Quid faciam ? timor in posteriora decidit,

Anima exire stra per posticum cupit.

Gel.

Naufragium Ioculare.

Gel. Ut bellicè loquitur! non audeo hunc hominem
jocis ludere.

Æm. Ob hoc Polyporo celerem misi Nuncium,
Hinc uti ves salvos ducat.

Gn. Mæœnas aravis edite Regibus,
O & præsidium, & dulce decus meum!

Mor. Ego iterum reviviscam nam aquam vitæ loquitur.

Gel. Ut jam mitescit ferox! haud multum alièr
Hyæna (mirum) ex mare in fœminam migrat,
Boni ingenii est similitudines rerum fingere,
Et concinnam ego comparationè aliquando jocis præfero.

Æm. Quis tu? vel fare nomen, vel longum file.

Mo. Ego? servus tuus —

Æm. Quid aures tundit meas? ha!

Mo. Favoris tui studiosissimus.

Æm. Ambages mittito.

Mor. Filius natus maximus patris mei Ego.

Æm. Nomen rogo.

Mor. Utinam esset dignum quod exaudias.

Æm. Frustrà sum: raum?

Gel. Quemadmodum (cum borâ tuâ veniâ) tu vocaris
Bombardomachides,

Eodem planè modò delector ego nomine *Gelasini.*

Facetè meum nomen cum illius confero, quo illi assentari
possim magis. (Scribit.) (Feb.

Insinuavi me callidè ad *Bombardomachidem* quarto Nonas

Æm. Tuum. *Gn.* Sed si tantus amor nomen cognosce-
re nostrum

Quanquam animus meminisse horret, luctuq; refugit

Incipiam — *Gnomias* (si tibi visum fuerit) seu *Gnomio*
nomen est mihi.

Æm. Pædesve officium: rursum revortar intro. Exit.

Gel. Certo certius abiens mihi toto annuebat capite,
Admiratur ingenium meum: medius fidius captus est.

Mor.

Naufragium Ioculare.

Mor. Non respondebam illi rusticè *Gelasime*.
Euge Morion; nolo me indoctum prædicent,
Licet indigeam vestium.

Di. Placerne hinc vos? *Ge.* Quo?

Di. Vnde educti.

Ge. In cellam illam angustam ac tenebrosam obsecro?
Quam ego *Orci* januam per jocum nominavi modo.

Di. Scilicet; donec vos *Polyporus*.

Mor. Eamus igitur; placent tenebrae,
Nam si diutiùs hos pannos conspiciam, lacrymabo largitèr.

Gn. *Plautus Comediam* scripsit, cui *Captivi* titulus.
Vates ò *Plaute* fueras, nam vates nomen ambiguum est.
Nos jam *Captivi*. *Δὶς δ' ἐτελέητο βυλὴν.*

Mor. Tutor, Tutor, revertere sis ocyùs Tutor.

Gno. Quid est?

Mor. Nihil jam; sed aliquis momordit me de tergo:
eamus fodes. *Exeunt.*

Scena Tertia.

Æmylio, Dinon.

Æm. Absumptus sum planissimè: *Gnomici* me expectant pedicæ.

Neque unam ex illius sententiis habeo, quâ me consolet miserum.

Nempe hoc in more positum est, Generosus factus continuo ut vapulet.

Incertum est quid agam, ita isthæc res subitaria est.

Heu *Dinon*, huc te ocyùs; inquam *Dinon*. (*Intrat Dinon*)

Di. Satin' es apud te? quid vis?

Æm.

Naufragium Ioculare.

Æm. Qui possim? modò in viâ —

Din. *Bombardomachidem?*

Æm. Dixti. Nullus sum.

Din. Quam mox aderit obsecro?

Æm. Quin adest: vix punctum temporis ad consilium datur.

Iacebit in fermento totus, tum loquetur meros lapides.

Din. Imò pistrinum, fustes, vincula: istæc ne loquatur plus metuo.

Nullamne expurgationem habes?

Æm. Hum! nimium hoc callidum est: imo ficerit —

Dinon, ita facito.

Din. Quid?

Æm. Hem, tardè, nondum intelligis?

Din. Quid (malum) an ex vultu conjecturam capiam, quid me velis?

Æm. Ad summam domum ascendas ocyùs, & continuo ubi ille

In ædes se penetrârit, fac sonitum horrendum facias.

Quasi (intellexit in?) quasi esses Dæmon aliquis.

Din. Quamobrem?

Æm. Pish, id mora est dicere, abi.

Din. Abeo: sed vidist in? ipse Militem?

Æm. Duobus his, inquam, oculis: molestus es.

Din. Abeo: verum dices Dæmonem.

Exit.

Æm. Ecce autem adest! morari certum est aliqui hominem.

Scena

Naufragium Ioculare.

Scena Quarta.

Bombardomachides; Æmylio.

Bom. Quis hic locus, quæ regio, quæ mundi plagæ?
Vbi sum? sub ortu Solis, an sub cardine
Glacialis ursæ? numquid Hesperii maris
Extrema tellus huncdat Oceano modum!
O salve Domus, vosque Penates Dei.
Videon' te Patria? ludit an oculos meos
Imago fallax, non ludit: video satis.

Æm. Non opus est; mane dum, & ego te ludam satis.
Num — plenum id periculi est — hanc prius infestam
viam.

Bom. Fores pulsabo nostras, pulsabo pede,
Anticipat quis m: ? mo tem quis quærit sibi? (*Æm. pulsat*)
Verumne cerno corpus? an fallor malâ
Deceptus umbrâ? verum est; quid velit sciam.

Æm. Expergiscere ensis: teque ad officium para:
Nam fartum ex milite faciam, & comedam postea.

Bom. O Scelus! quis hoc Scythico natus nemore,
Sit licet Tigris mater, aut genitor Leo,
Quis unquam dixit orbis formido ultimi,
Cannibal, humanos ore eructans cibos?
Abibo, atque isti cedam furori locum,
Pati nam mortem possum, ut exedi pudet,
Pars magna fortitudinis prudentia est.

Æm. Quis istic? hem! revortere, si malo caveas.

Bom. Nihil formido, sed tamen totus tremo,
Ego miles juvenis, non sum, credo, falleris.

Æm. Proh deos, deasque omnes! men' falli dicis?

Bom. Non dico; at magni sæpè falluntur viri.

Iratus

Naufragium oculare.

Iratus ne sis; ira nam res est mala.

Æm. Tun' nosti ubi sit gentium *Bombardomachides*?

Bom. Non novi.

Æm. At nisi jurato non credam tibi.

Bom. Per cælum, & cæli faces non notum est mihi.

Linguâ juro, mentem injuratam gero.

Æm. Sed nosti probè hominē. *Bom.* Novi aliquo modo.

Immo fortè novi, & non novi forsitàn,

Videtur ille fortis, nec non vir bonus.

Æm. Itane coram in os inimicum laudas meum?

Bom. Videtur tantum dixi, non est vir bonus.

Æm. Rectè animum tuum adveris ad animum meum.

Si has in ædes intrà mensem se coiciat,

Ità inornatum dabo secundum virtutes suas,

Vt istum perpetuò locum pejus angue, oderit.

Bom. Ego rus revortar: periculum sapiens fugit.

Æm. Ha, ha, ha. ha, vestis commutata quid facit?

Bom. Quæ verbà fundit? — faciem vidi prius —

Quin redeas, inquam, revorti aliquandò bonum est.

Ipsus es; dominum servus de ludis tuum?

Quis me per auras turbo præcipitem vehet,

Attraque nube involvet, ut tantum nefas

Eripiat oculis?

Æn. Occisa res est, perii.

Advenisse saluum gaudeo; valvisti usque athleticè?

Per jocum hoc feci aded, joco veniam rogo.

Bom. Rogas? timendum est; aliquis hic errat dolus.

Æm. Nunc homini subpallabor: experiri volui,

Vtrum istoc sub ornatu satis delitescerem,

Tu nosti usque in initio quanquam dissimulasti sedulò,

Operam profectò ludet, tibi verba qui daturus est.

Bom. Antequam vidi, novi, per magnum jovem,

Sed in jocantes rursus joculari placet.

Æm. Scio, sed ubi est *Eucomissa*, & soror mea?

Bom.

Naufragium Ioculare.

Bom. Sequuntur ponè, men' comitari virgines?

Æm. Quid hic sermones cædimus: ibo illis obviam,
Et dicam ut revortantur domum. *Bom.* Effare quamobré.

Æm. Quia enim ubi hic habitabunt gentium?

Bom. Domi.

Æm. Quid? annon mensis est cum nemo homo intro pedem tetulit.

Bom. Desine: joculari nolo.

Æm. He m! nondum hoc dixi tibi?

Satin' oblitus fui; adeò mihi nunc jam res verus est?
Spectrorum, Cacodæmonum, malorum Geniorum isthæc habitatio' est.

Quotidiè colloquuntur, ejulant, gemunt, lacrymant,
Crepant, exclamant, mille diversos sonos faciunt,
Dies me deficeret, si, quæ monstra hic fiunt dicerem.

Bom. Loqueris rem miram: nulla quam credet dies,
Sed nec tacebit: bonân' hæc dicis fide?

Æm. Quin, inquam, decem plus minus dies incolumi capite non eram,

Tantum hæc mihi res de improvviso incussit metum,

Bom. Metuisti? non oportuit: servum meum Metuisse quicquam? *Æm.* Rectè, si esset similis tui.
Here, quoniam mihi fortassis minus fidem adhibes,
Age, ingrediamur, saxo uti omnia ipsius audias.

Bom. Nihil timeo: sed egon' ut non credam tibi?
Credam plus isthoc: & nihil timeo tamen.

Æm. Vellem meherculè te testem hujus rei: sed fac ut voles.

Ibo illis obviam, atque huc ducam, nisi aliud imperes.

Bom. Tam prope monstra solus hic stabo? penè est.

Abeas — *Æmylio* redi — nil timeo tamen.

Æm. Id scio: obtundis. *Bom.* Timeo nil per *Lovem*.

Tantum est: abi. *Æm.* Libenter. Ha, ha, ha. (Exit.)

Bom. Pavet animus, horret, magna perniciès adest.

Incendor

Naufragium Iaculare.

Incendor irâ, rapior, sed quo nescio,
Sed rapior: Spectra in nostrâ triumphant domo?
Facinus hoc videt summi moderator poli
Et nondum tonitru convolvit mundum horrido?
O Phæbe patiens, fugeris terrò licet
Medioque ruptum merferis cælo Diem.

Din. (Supra) Oh, oh, oh.

Bom. Sero occidisti — nescio quid faciam miser, nam
aliquid audio —

Tuque O Neptune — oh quid faciam? mortuus sum —
Redeunt tempore, ærum quod primum est omnium.

Scena Quinta.

Æmylio, Eucomissa, Ægle, Psecas, Bom. Servus.

Æm Quid est, here, ecquid times? *Bom.* Timeon' Ego?
Proh Deos Deasq; omnes! æthereas prius
Perfundet Arctos Pontus, & Siculi rapax
Consistet æquus unda, & Ionio seges:
Matura pelago surget, ac lacem dabit
Nox atra terris omnibus. Timeon' Ego?

Æg. Cacodæmones? O superos! audire hoc nomen
mihi febris est.

Eu. O Venus! tu & ego, mea *Ægle* dissentimus malè,
Nam mihi cibus & potus est, ut aiunt, de his fabularier.
Psecas, quin *Psecas*, inquam, surda est hæc ancillula;
Tu vidisti *Cacodæmonas*, nonne? *P.* Non, si placet,
Sed novi aliquam quæ novit aliam, quæ vidit eos.

Eu. Quâ facie erant *Psecas*?

P. Vnus

Naufragium Ioculare.

Pf. Vnus erat caninâ facie,
Ore & oculis igneis, pedibus bufonis, colore nigro,
Caudâ æquè longâ ac—— & clamabat Boh, Boh, tanquam
Leo.

Æg. O mirum! tora trepido.

Eu. Mecastor, color vertitur. Clamabat tanquam Leo
—— perge *Psecas*.

Pf. Nos omnes illico fugere. *Eu.* Tun' ergo aderas?

Pf. Non si placet,

Sed illa fugit quam novit familiaris mea Philocomasium?

Eu. O: jam intelligo *Psecas*, perge porro.

Pf. Alterum fuisse dixit

Tam similem viri, quam Aqua aquæ similis est.

Et erat nudus totum corpus. *Eu.* Totum? O Venus!

Multum, me castor, cupio, videre istos *Cacodæmonas*.

Pf. Imo si magis noveris, *Eucomissa*, magis cuperes:
Nam habuit —— ha, ha, hæ, nequeo cogitans quin rideam.

Eu. Quid habuit *Psecas*? *Pf.* Non intelligis? habuit ——

Eu. Quid? eloquere.

Pf. Tam magnam rem —— Nos omnes admirari illico.

Æg. Profecto hic ipse est *Cacodæmon*, *Eucomissa*, quem
dixi tibi

Vidisse me secundum quietem nudius tertius in somnio.

Eu. Nulline *Cacodæmones* nocentiores istis *Psecas*?

Pf. Imo sunt omnium generum: nam quidam latent
Subspecie nigri felis cum sex pedibus.

Quidam sub *Vespertilionis*, aliorumque etiam animalium

Imo novi, qui ambulant per noctem induti findone.

Atque inde evenire solet tot quod insaniant vigiles

Cum *Curatoribus* pacis.

Demergunt se aliquando in ganeum,

Atque illic nocte totâ præ timore combibunt.

Post cænam, si placer, plura de re isthâc disputabimus.

Eu. Nunc eamus visere spectra.

Æg.

Naufragium Ioculare.

Æg. Viden' quis adest *Eucomissa*?

Eu. Mallem spectra: sed fortassis hic est ex eorum
monstrorum numero.

Scena Quinta.

*Calliphanes Pater, Calliphanes Filius, Æmylio,
Eucomissa, &c.*

Æg. Siccine tibi pro ridiculo est, cui nuptura es brevi?

Eu. Citiùs mecastor nubam *Cacodæmoni*, quem dixis
Pfecas

Tam Viri similem.

Æg. At ego ne Iovem præfero
In se ferentem precium sine quo Iupiter nihili est.

Cal. P. *Bombardomachides* salve; huc te salutatum adve-
nimus.

Bom. Gratias: sed multus animo occurrit dolor,
En alta muri decora, & congestas trabes,
Ut omnis latè splendet infelix domus!
Quicumque regno fidit, & magnâ potens
Dominatur aulâ, nec leves metuit Deos
Me videat, & te Domus.

Cal. P. Quid ait *Æmylio*?

Æm. Nempe quia spectrorum plena est, id dolet.

Cal. P. Spectrorum? ubi sunt? (utitur spec.)

Nulla hic video *Æmylio*.

Æm. At intus potes sine quatuor oculis.

Cal. F. Si ita est Pater, utantur nostrâ domo: superest
illic locus.

Cal. P. Nunquam vidi melius consilium dari; quid tu
Bombardomachides?

D

Potes

Naufragium Ioculare.

Potes ibi oportune filiam tuam huic nostro nuptum dare.

Bom. Consilium bonum est, animoque arridet meo.

Cal. F. Sed ubi est Virgo? reliquistin' ruri?

Bom. Sæpe respicias; sæpe, quod quæras, adest.

Cal. F. Latere miror posse tam diu sidera. — (*Osculatur*)

Rediisse salvas gaudeo, & meum simul

Hunc esse reditum credo, nam vobiscum abfui:

Condonate Amore cæco, vos si conspexi minùs.

Eu. Si nunquam conspicias postea lubenter tamen con-
donabimus,

Misericordes omnes sumus naturâ mulieres.

Æg. Amore cæcus es *Calliphanes*? immo oculis nimis
vales,

Quod nec est, nec futurum est vides, cum nos appelles sidera.

Cal. F. Immo *Ægle* verum dixi! nam si cæli facibus
Formosum nondum nomen imponeretur siderum,
Propter similitudinem quandam vestrum id jam nancisci
poterant.

Pse. O *Diana*! toto corde amo has confabulationunculas.

Bom. *Calliphanes*, oculis nil tale objectum est meis,
Pedibus quanquam cuncta conculcavi loca

Asiæq;, *Europæq;*, *Americæq;*, *Africæ*,

Aliasq; terræ partes quas taceo sciens.

Cal. P. Memini idem accidere olim cum essem puer,
Anno abhinc — hum — Grammaticæ tum operam dedi.
Anno — hum! quinquagesimo secundo — hum! non
convenit numerus,

O — quinquagesimo tertio — is profectò annus est.

Eu. Licetne, Pater, videre has umbras, & malos Ge-
nios?

Bom. Videre? nata, non timeo; fac ut voles.

Eu. Aperi sis ostium *Æmylio*.

Æm. Perii in perpetuum modum,
Nimio nimis metuo ut sint isti probi *Cacodæmones*.

Sanan

Naufragium locale.

Sanan⁹ es? credin' illos aspectui tuo obliici perperam?

Eu. Num loquuntur?

Æm. Satis id quidem: sed horrendum in modum;
Cave sis ne animam agas.

Eu. Disputabit cum illis *Psēcas*.

Ps. Parata sum satis *Æmylio*, ante hoc temporis dispu-
tavi cum *Dæmone*.

Æm. Scio te bonā esse voce: proculdubio illum obrues,
Si tympana, bombardas, tubas, & tintinnabula oris tuā
afferat.

Ps. Itāne me accipis indignis modis? nunquid cristas
erigis

De illis vestimentis? amabo, unde habes mi *Æmylio*?

Æm. Pish, dicam tibi, cum sit otium. Quid ais *Cal-
liphanes*?

Cal. F. Vbi clavis? cedo mihi sis.

Cal. P. Quid stas lapis? quin aperis?

Æm. Dii te silicernium—— V num pedem in *Charon-*
tis cymbā habet (secum)

Et altero tamen ambulat.

Eu. Oh! non audis malos *Genios*?

Bom. Ha!

Cal. F. Nihil est: crepuerunt fores.

Æg. Crepuerunt? O sordidas fores. (Supra)

Din. Oho, oho oho, Vrite, fundite, tundite, vertite do-
mum.

Bom. Oh, oh—— valete: & timeatis nihil.

Eu. Quo abis Pater?

Bom. Videre non sustineo tot timidos simul.

Exit. *Bom.*

Eu. O Deas! hæc illa Leonis vox est *Psēcas*.

Æg. Abeamus obsecro, *Calliphanes*. (subt.)

Gno. Flectere si nequeam superos, Acheronta movebo.

Cal. F. O Poëticum *Dæmonem*!

Naufragium Ioculare.

Æg. Est furiosissimus omnium proculdubio.

Cal. P. Mira sunt: nunquam vidi tale quid, nisi anno
abhinc quinquagesimo tertio.

Mor. O! protecto sum in Barathro. (Subter)

Æm. O *Psecas*, quid faciam?

Pf. Quid? faciam periculum in disputatione. Quodnam
est tibi nomen *Dæmon*?

Æm. Itane ineptè stulta es? cave ne te rapiat in maxi-
mam malam crucem.

Pf. Mene? non aude; ego illi oculos effodiā *Carnifici*.

Gn. Ζεῦ πάτερ, ἰδὲ δὲν με δέων, κῶδισε, μέγιστε,
καὶ τίτατοι, καὶ γαῖα, καὶ οἱ ἀνέρες καὶ γυναῖκες,
τί μεῖς μάρτυροί ἐστε.

Pf. Immo etsi loquaris *Hebraicè*,
Ego bene intelligo.

Æm. Abi sis stulta: *Græcum* est hoc tibi.

Din. Ohò meretrix!

Pf. O scelus! ego introibo: ne me detine.

Involabo in faciem illi: Egon' meretrix appellabor a ma-
lo *Genio*?

Mentiris *Cacodæmon*, mentiris.

Æm. Medius fidius hæc mulier *Cacodæmon* est.

Æg. O *Venus*! nihilne vides *Eucomissa*?

Eu. Maxime: ubi est?

Æg. Ingentem, nigrum ursum!

Eu. Proh Deos immortales! cum caudâ *Ignēâ*.

Cal. F. Vbi est? ego nihil planè.

Æm. Nihil? circumspecte: ut scintillant oculi!

Psecas, cave malum: nam te devoraturus proculdubio
huc venit.

Pf. Oh!

Cal. P. Quid aiunt *Æmylio*?

Æm. Ingentem belluam illic— vide modo.

Cal. P. Vbi sunt specularia mea? Oh nisi fallor *Leo-*
pardus est. Quid

Naufragium Ioculare.

Quid hoc monstri ? Gnate, abeamus precatum Deos.

Din. Occidam, jugulabo, interficiam, capiam, rapiam
omnes illico (sonitus supra)

Eu. O *Ægle* ! cedo manum, & fugiamus. *Exeunt.*
(Infra sonant catenæ.)

Æm. Ha, ha, hæ, descende ut te exoscular bone *Ca-*
codæmon. *Exit.*

Din. Venio: virite, fundite, tundite, cædite, vertite, &c.
Descendit.



ACTVS TERTIVS.

Scena Prima.

Æmylio, Dinon.

Æm. Age, incipe *Dinon.*

Din. Non, non: exemplum a te capiam.

I.

Æm. Purgate cerebrum, *Medici* O insani,
Nec fitis amplius *Mortis Publicani.*

Ob hominum peccata *Orbi*
Vos primum missi, postea morbi.

Doctrina capiti egrotare,

Et sese voluit expurgare :

Tam vestrum quidam vomitu per ora

Existis, quidam per *Posteriora* :

Sic natos, via est inventa,

Ut vos nutrent *Excrementa.*

Naufragium Ioculare.

*Nos melius homines evacuamus
Et loculis Clysterium damus.*

*Am. O sacram rem ! scientia talis
Dicenda est sola Liberalis.*

2.

*Din. Sartores legum, stentorumque natio,
Iam vobis Longa facta sit Vacatio.
Vestri parentes litigarunt
Tunc cum vosmet generarunt.
O vos miseros si uxores
Similis vestri essent oris !
At suos multæ Clientes habuerunt
Tunc vestras causas alij egerunt.
Rectè: nam nulli velint haberi
Causidicorum filii veri.
Iam vobis fallere Lege ne sit curæ,
Sed fallite nobiscum Iure.*

Am. O sacram rem ! &c.

3.

*Æm. Friget inter ignes ars tua, Alchymista,
Argentum, nisi vivum, non habet ista.
Cum qui sunt & qui fuerunt
Omnes philosophi eguerunt.
Quem fore veris divitem
Per Philosophicum lapidem ?
Huc adsis, hic ex lapide lucrum capis:
Quid aliud stultus, nisi Philosophi lapis ?
Hunc sapiens coquet, distillabit,
Plumbeus licet, aurum dabit.
Quid ex syderibus quæris cursum Fati ?
Prudentium gratiâ stulti nati.*

Am. O sacram rem ! &c.

Din.

Naufragium Ioculare.

4.

Din. *Præteritorum, Mathematici, vates,
Qui præter barbam nihil jam alatis.
 Queis cælum creditur magis notum,
 Quam Deo, qui id fecit totum.
 Qui illud tam se putant scire
 Illuc ut recusent ire.*

Vos, a secretis syderum——

Æm. Aufer te ocyùs Mathematicé, nam adest *Bombard.*

Din. Opportunè; nam hæere cæpit carmen — *scientia*
Dicenda est sola liberalis. Exit. (talis.

Scena Secunda.

Bombardomachiles.

Bom. Æmylio. Æm. Hem !

Bom. Quis somnus aures, quis vapor claudit tuas?

Æmylio, rursus voce non parcâ tono.

Æm. Et ego rursus tono, Hem tibi.

Bom. Opaca linqueus Ditis inferni loca
Nigri profundo Tartari emissus specu,
Incertus utras oderit sedes magis.

Æm. Quam longum est iter ad id quod vis.
Mihi herclè viatico usus est.

Bom. Quid dicis? audax Dæmon (O audax nimis)
Nostros cruentus occupat serpens Lares,
Hic regnat, immo hic, regnet at nolo diu.

Æm. Scilicet; & hoc vis me ut sciam, qui primus id lo-
cutus tibi sum.

Bom. Locutus? at quam parum id? hic tonitru pares,

D 4

Hic

Din.

Naufragium Ioculare.

Hic fulminantes stringere jambos decet.

Quis O Cothurnis mille sat clarum boet ?

Æm. Meherculè cothurnorum mille jam instar habuisti pulchré.

Bom. Est intus (virumne dicam, an potius Deum)

Quique evocavit nubibus siccis aquas,

Egitque ad imum maria. Oceanus graves

Interius undas æstibus victis dedit

Pariterque mundus lege confusâ ætheris

Et solem & Astra vidit.

Æm. Orationem compendiface; scio quid sequitur,
Et veritum mare teregistis ursæ, Temporū flexæ vices &c.
Nempe hic post tot ambages tandem exorcista est.

Bom. Hic monstra tanta voce terrebit suâ.

Æm. Prohibessint Superi, cave ne committas tandem,
Ut malè dictiterur tibi in sermone publico,
Si cum istarum operarum homine negotium contrahas.

Bom. Mutire de me Fama non audet; tace. (est ?)

Æm. At metuo famæ tuæ, uti me par est facere : Vbi is

Bom. Mox moxq; nobis aderit; hoc lentum est; Adest:
Parum est & hoc, quin, Adfuit — Claves mibi.

Æm. Quamobrem ?

Bom. Illius ictu noster hic cardo strepet ;
Adestq; viset — Verba compescas miser,
Peribis, at quid dixerim ? infælix Peris.

Æm. O quantum est deorum, quid me jam fiet deniq;
Itane tantum facious tam insignité in te admittere ?

Ten' claves ferre ? Ætherias prius

Perfundet Arctos Pontus, & Siculi rapax

Consistet estus unda, & Ionio seges

Matura pelago surget, uti modò pulcherrimæ

Dixisti ! I præ, sequor, subsequor te.

Bom. Cum recta dicis, laudo, consilium placet. (Exit.

Æm. Quoties hæc res in nervum penè erupit ! bona ma-
Quam nequiter expetivit!

Scena

Naufragium Ioculare;

Scena Tertia.

Dinon.

O Dinon audistin' nos nullos esse?

Din. Auscultavi ab ostio omnia; *Dii* te infelicitent
cum cantionibus.

Hoc est scilicet ante Victoriā Encomium canere.

Perdidisti nos planissimè. O sacram rem! scientia talis

Dicenda est sola Liberalis. Quando aderit ille

Cujus vox, tanquam Galli multo mane, perterret adeo

Cacodæmonas? *Æm.* Modo. *Din.* Modo?

Æm. Modo: jam, & veniet hercle non ingratis meis:

Din. Sed enim quid de captivis.

Æm. Manta modò: istuc ibam.

(fuit.)

Nam nova atque elegans fallacia numerò mihi in mentē

Abi sane, educ legiones tuas, traduce properè ad proximū.

Din. Nempe in quem finem?

Æm. Illic (nostin'!) scholam aliquam aperiant.

Aliquid aliquos doceant; ejus rei fructus longè uberrimū est.

Nam & ab eorum oculis concedent, & quæstum tam in-
gentem facient,

Ut brevi se captos redimant præsentī pecuniā.

Modo aliquid mirum profiteantur, & usitatum minus.

Din. Quid si litteras? *Æm.* Pol istud nunc dierum inusita-
tatum satis.

Sed quis eas gratis discet, tantum, ut det mercedem, abest?

Din. Cheiromantiam, Phythognomoniam, aut aliquid
ejusmodi?

Æm. Omnes jam illas technas despiciatas habent ac
nihili

Nisi forte puer, vapulabit necne, exquisitum eat,

Aut Ancilla, quot maritis ac quibus nupta sit futura,

Din.

Naufragium Ioculare.

Din. Quid tandem ?

Æm. Dicam. Omnes nunc homines videri volunt
Faceti atq; elegantuli ; ad eam rem quovis pacto affectant
viam ;

Novi qui amicos, qui vitam amittere, quam jocosum malunt,
Ita risum, captant, & habent quod volunt, nam mehercle
sunt ridiculi

Eâdem hâc scabie laborat *Gelasimus*, ut qui maxime,

Din. Visitaque illos profiteri Iocandi Artem ?

Æm. Tenes.

Din. At enim commovere risum nequeunt, nisi deri-
dendos se propinent.

Æm. Recte: hoc est joculari nunc dierum, pretereâ quis
est qui nequit

In cognatione verborum, & sympathiâ quâdam ludere ?
Quot vocabula ad suturem pertinent, quasi destinata hu-
jusmodi salibus ?

Ea habeat in mundo omnia. Quot autem ad Philosophum ?
Ars, Prædicabile, Arbor Porphyriana, Prædicamentalis
scala,

Conversio, Fallacia, Major, Minor, Barbara, Cæsare,
Celarent, Ferio, Festino, sic tollo, Dictum simpliciter,
Secundum quid, Disputo ad Hominem, Reduplicativè, &c.
Nam ad Conclusionem venio, Terminorum hic usus op-
timus est.

Nam cum offendas eos in Authoribus, jurabis non esse
scriptos serio.

Commoda sunt & Authorum quorundam nomina *Ramus*,
Scotus, *Faber*,

Tostatus, *Suarezius*, *Naso*, *Tranquillus*, *Suetonius*, *Taci-
tus*, &c.

Bom. *Æmylio.* (intus)

Æm. Me vocat, illicô. Quid dixi ? oh ! est aliud genus salis
Deridere omnes mortales: parata sint (nam vacua pudet
esse pugillaria)

Scom.

Naufragium Ioculare.

Scommata in omne genus hominum; sed hi joci consistunt plurimum

In ridendo clare, in contrahendo nasum, & induendo joculari faciem.

Barba quoque; mirum in modum utilis est, si attrectant bene, Aliquando etiam jurent ornamentis gratiam, sed Dii boni! (Pene excidit mihi) mercede conducant aliquos

Qui domi factitent, aliquos qui eant petitum foras, Ex Conuivijs, disputationibus, Comædijs, Concionibus. Aliquos etiam qui excribant, nam venales habere debent Seniles, juveniles, viriles, muliebres, Generosos jocos.

Hæc & similia doce illos, abi sis; fac officium; sed audin? Adesto illis semper, ne liberati in pedes se coniciant. Quod ego jam faciam.

Din. Effectum dabo; Iocandi artem? ha, ha, ha! *Exit.*
O miram rem! scientia talis dicenda est sola liberalis.

Exit.

Scena Quarta.

Caliphanes, p. Cal. f.

Cal. p. Itane obstinate operam das facere me advorsum omnia?

Ego istuc ætatis obsequens obediensque; erã imperio Patrís. In mare ibam, rem familiarem augebam lucro.

Ten' virginem liberali facie, nolle in uxorem ducere, Cui, tantum dotis dictum est? *Cal. f.* At hodiè, Pater?

Cal. p. Eia! quam elegans! cras etiam dices, At hodiè Pater?

Cal. f. At vetant Mathematici infausta hanc luce adornari nuptias. *Cal. p.*

Naufragium Ioculare.

Cal. p. Perit, religiosus est; jamne patristas *Calliphanes*?
Pudet tui, pigetque.

Cal. f. At ægrotus sum, non valeo, pater.

Cal. p. Immò non ægrotas jam, sed malè habes *Calli-*
phanes.

Si animus ibi esset — & quidni sit?

Cal. f. Præterea — *Cal. p.* Age, quid præterea?

Cal. f. Nihil est parati; solitudo in ædibus; hæccine
conveniunt nuptiis?

Cal. p. Nempè id de industriâ: volumus isthoc sine tu-
multu peragi.

Ut ne tanti fiant sumptus, tamq; in nullam rem utibiles.

Quid sibi volunt Hymæneum & cantiunculæ? quasi tu
nequeas

Irecubitum, & dare operam liberis sine auxilio fidicinis.

Proin tu & illa hanc rem quasi injussu nostro, tacite agite.

Nisi fortè Æmylione, & Ægle arbitris?

Cal. f. Ægle? maxime.

Cal. p. Abi modò, atque morem mihi gere.

Cal. f. Quid si nonvult, pater?

Call. p. Nequicquam nonvult; ità illam intus admo-
nuit pater.

Aggredere illam amatorio more; Ah! Ego isthuc æta-
tis —

Sequere me sis intrò; Audin? nisi quod imperavi facias

Patrem me esse senties, atque iratum ex leni; dixi *Calli-*
phanes.

Dii boni, quanta est prudentia, moderari posse filio in
hunc modum!

Exeunt.

Scena

Naufragium locale.

Scena Quinta.

Æmylio, Psecas.

Pf. Quid ais *Æmylio*? amabō audistin' adhuc
De novâ scholâ? Dii vestram fidem! rem lepidam!
Vehementer cupio illam videre, & periculum facere
Quid in jocos possint, sentient quæ mulier fieri.
Non metuo sanè, ut posteriores feram.

Audistin' quam fortiter disputabam modo cum *Dæmone*?
Ne verbum quidem habuit, quo responderet mihi (odit

Æm. Plus vocem credo tuam, quam Templi Campanæ
Aut concionatoris rustici, qui illum Leonem vocat.
Nunquam tuam audebit auferre secum animam
(Licet suam esse noverit) quia potentia
Tantum loquendi illic manere dicitur.

Pf. Meritissimo tuo te eximium habeo, ita lepidè loqueris!
Derideri me facile patiar, si isthoc fiat modo?
Donabo te ob hos lepores, ut mihi osculum feras.

Æm. Si me necesse est herclè hoc pacto remunerarier,
Abhorrentem feceris brevi a facetiis omnibus!
Sed auferamus ridicularia. Vin' tu fortunata fieri?

Pf. Equidem cupio, etsi infælix non sum, Diis gratias:

Æm. Fac induas recillam induculam, fac gemmis splen-
Et filiam ted esse simules *Bombardomachidis*. (deas,

Pf. Cupio id mecastor, sed erro quam insistas viam.

Æm. *Gelasimus* hic in proximo vendit jocos
Hæres ditissimus, atque uri esse tales solent,
Merus stipes, huncce hominem admulari pervelim.
Itaque hodiè inter te atque illum nuptias cupio facere.

Pf. Nuptias? ha, ha, hæ! mecastor facinus lepidum!

Æm. Sic tu tibi divitias facies, atque illum pro arbitrio
reges, Multo-

Naufragium Ioculare.

Multoq; tum liberius amare licebit quempiam
Quam nunc licet : ut voles etis; Ille, Vir bonus,
Aut ignorabit prorsus, aut ad calicem dormiet vigilans.

Pf. Scio; nam cum facta ero Heroïna nobilis
Æquum est oblectare memet illo more Aulico.
Æmylio, tum me vises aliquandò, tui immemor
Non committam ego ut sis.

Æm. Sed properato opus est.

Para te ocyus; ego te producam illuc.

Pfecas, insiste hoc negotium sapienter & catè.
Nam nisi sedulo fingas, quasi animum illi adjeceris,
Nihil agis. *Pf.* Pisha! potin' ut molestus ne sis?
An docenda sum hoc ætatis inescare homines?
Ego vel te, *Æmylio*, captare poteram : abi.
Ne sis in expectatione mihi, cum parata sim.
Quiescas cœtera.

Æm. Immò non metuo, ut sis satis mala,
Te magistram quæram mihi, unquam si defecero.

Pf. Docebo equidem libenter; quod possum: Abi modò
(*Exit Æmylio*)

Nubam sanè non gravate, sed nunquam filio
Me gravidam faciet, ad hanc rem alius
Illius fungetur vice; ne natus ex me fiet,
Mihi qui sit dedecori, atq; ingenio meo.

Exit.

Scena Sexta.

Gnomicus, Gelasimus, Morion. (*Schola aperitur.*)

Gno. M. T. Cicero, Oratorum omnium Coryphæus,
(*Quo verbo ipse usus est*) De Orat. secundo libro,
Quem

Naufragium Ioculare.

Quem oculis meis plus amos; Artem negavit esse Salis.
Erravit; Ciceronem semper ego existimavi hominem.

Gel. Pish! Cicero salem non habuit; quisquamne de tot
vocalibus

Figurarum & Troporum nullum unquam faceret jocum?
Poteram herclè ego ab Aurorâ ad hoc quod est dici —
Ah Metaphora, bonum es verbum: & lepores herclè hu-
jusmodi

Ex Academiçi lectoris oratione collectos habemus pluri-
mos.

O Dii boni! jocum pulcherrimum exscripsimus in Tulliû
Qui nudius quartus in Scholis publicis dictus est proximæ
Academiæ.

Legam vobis — (ascendit in cathed.)

Gno. Sed ferox nimium ne sis in Ciceronem nostrum,
Nam erat Eloquentiæ Pater.

Gel. Quid hoc? oh — Iocus magnus in Prætoris op-
pidani cornua. — novi —

(querit paginam)

Iocus in militem malè vestitum — An ostenderunt ter-
ga? — oh —

Hic exemptus est ex meis pugillaribus — & certè magnus
est — hum!

Quid hoc? Ex declamationibus publicis nono die No-
vemb. unus jocus,

Sex demi-joci, & tres egregiæ sententiæ. Oh! memini —
Ioci sacri

Et pia Hilaria — nunquam hæc vendemus —

Oh — jam inveni — Iocus magnus in Cicerone.

Gn. Lege; arrestisque auribus asto.

Gel. (legit) Ciceronis nomen vanum, Abeat nunc in
Tullianum, & potest converti

Ad laudem Ciceronis in hunc modum — Cicero Ora-
torum Coryphæus est.

Mor.

Naufragium Ioculare.

Mor. Tutor hoc tuum est verbum. *Gel.* Cæteri abeant in Tullianum.

Gn. Optimè! nam est locus in carcere, quod Tullianum appellatur.

Mor. Ha, ha, hæ! *Gel.* Quid rides?

Mor. Ha, ha, hæ: Abeat in Tullianum? ha, ha.

Gel. Hoc dictum in utramque partem accipi potest, est jocus ambidexter. Ibi ego

Obiter factus sum; audin' Tutor? *Morion* scribe isthoc.

Mor. Maxime.

Gn. Hem! suntne in mundo omnia?

Gel. Sunt in orbe terrarum: Ibi iterum: Ludo Tutor, in dictum tuum.

Mor. Ioc: jo: — jocus — Estne *Gelasime* cum g, o, vel cum i, u?

Gel. Cum i, o: Scripsistin'? *Mor.* Ita credo.

Gel. Repete: *Mor.* Dexter est

Ambc—joci. *Gel.* O scelus! est jocus ambidexter, cedo calamum

Mor. Maximè: in idem redit. Scripsi valdè benè Tutor

Gn. Immo: insanum bene, ut Comice loquar: Ibi ego *Gelasime*—

Gel. At malè vereor ne quid hoc de gravitate mea detra-

Non, non, ipsi Doctores jocantur in his regionibus.

In condemnatos falsi sunt ipsi Iudices,

Dormiunt, capite annuunt. & ille Iudicialis jocus est.

Generosi joci solvunt Creditoribus.

Hic homines omnia joco. Præmittunt joco.

Ioco jurant, joco fallunt; rem agunt divinam joco.

Pænè dixi, vivunt joco: tantum jocantur serio.

Gn. Atque ego ità faciam: si sanimus sylvas, sylvæ sint

Consule dignæ.

Gel. *Morion*, vide ecqui licitatores propè sint: an prospè-

ctus est sterilis?

Mor.

Naufragium Ioculare.

Mor. Ioci, novi joci, optimi novi joci, quis emit novos
jocos? (est

Gno. Nullos ne ruidinatus es modò? hic dies scelestus
(Vt utar Comici phrase) divendendis jocis.

Gel. Mox dabit nobis grandes bolos: ita supercilium
salit.

Non sum ob nihilum tam ingeniosus hodiè,

Nunquid cessavi hoc mane lucri facere?

Vendidi modò mulieri, nescio cui, duos jocos.

In Papam *Iohannam*, quos missuram ajebat sese

Ad electum fratrem suum fidelem pastorem in Angliâ,

Vnum etiam aut alterum de Clavibus & Coronâ triplici.

Gno. Quanti emit?

Gel. Vniis drachinis in jocos singulos.

Sed corollari loco voluit sibi unum dari

Demi — jocum in *Bellarminum*: itaque dedi, Mentiris
Bellarmine.

Gno. Benè habet: Capram cælestem orientem cono
speximus

Id est, Beati sumus. Teste Erasmo Roterdamo in Adagiis.

Ecquid aliud?

Gel. Præstinavit etiam Iusticiarius quidam quatuor jo-
cos,

In honorem Legis; & sex ingeniosas sententias

Quas in cænâ dicturu' sit, cum vicinos quotannis accipit

(lientum alitibus. Venit postillà Iesuita aliquis

(Quantum conjecturam capio, nam ornatus erat basilicum
in modum)

Et pecuniam in antecessum dedit, ut sibi facerem

Sallum & ingeniosum Dialogum inter Lutherum & Dia-
bolum.

Omitto reliquos —

Mor. Pax! sit! adest emptor: quid vis tibi Domine

Novos jocos, optimos novos jocos!

Naufragium Ioculare.

Scena Septima.

Iuvenis Academicus.

Acad. Vellem mihi dari Archididasalum hujus scholæ.

Mor. Dari? non, non; habebis, si vis emere tibi.

Ac. Quis est Archididasalus?

Mor. Ego sum *Morion*.

Ac. Sed illum conventum cupio.

Mor. Non me cupis?

Ego possum joculari aliquando.

Gel. *Morion*, exscribe sis

Hanc paginam.

Mo. Totam? vis, credo, vitam meam interimere.

Gno. Iuvenis, eccum me præsto tibi. Coram, quem quæritis, adsum

Trojus Æneas.

Ac. Si Æneas tibi nomen sit, alium volo.

Gno. Non, non: sed loquor cum Poetâ: is sum, quid venisti loquere.

Ac. Muneris nostri est moderari inter disputantes in scholis publicis.

Gn. O! Agonotheta es, ἀπὸ τῆ ἀγῶν & τίθης: nam sic docti vocant.

Ac. Facetus videre ve'im; tantam libenter dabo Mercedem, quantam alii solent, eodem qui officio functi sunt.

Gel. Rectè: nam si argumenta non potes, solvenda est pecunia.

Audin' quæ dixi? *Morion* scribe hoc sis ocyùs.

Mor. Dii te perdant,

Credo te joculari solitum fuisse in utero Matris,

Atque

Naufragium loculare.

Atque ita semper facis, mihi ut faceffas in scribendo negotium.

Gel. Memento tamen, Iuuenis, in quo sis loco, Ingeniosus esse non debes nimis.

Nullumne adhuc habes in parato joculum?

Ac. Nullum equidem præter, fatisfecisti officio tuo!

Mor. A—r—ar—a—rgu— O jam habeo —

Ac. An bonam habetis copiam philosophicorum salium?

Gel. Videbis: *Morion* cedo libellum de jocis Philosophicis.

Hem! legam tibi aliquos.

Scena Octava.

Mulier.

Mu. Quis intrus est?

Mor. Quis hæc mulier est? quid vis?

Mu. Tunc es Magister Scholæ?

Mor. Ego sum, Ego: quid tua? Magister? maximè.

Mul. Recede quæso; est tibi quod in aurem dicam.

Nupta sum, si placet,

Imperito morum, & impuri oris Viro,

Qui me meretricem vocat; Mentiris dicit, & Canis es.

Itaque ego emere illi facetias volo.

Mor. Nupta es imperito morum & impuri oris Viro;
(clara voce)

Qui te meretricem vocat: hæc in aurem dicis mihi?

Non, non: quid si dolus hinc latet?

Gno. *Mulier*, adi sis propius.

E 2

Ac.

Naufragium Ioculare.

Ac. Ha, ha, hæ! non abstinco quin plaudam—accipe
fis pecuniam. (plaudit manib.)

Ob isthoc credo dictum me sustollent humeris.

Gn. Cujus generis facetias vis?

Mul. Omnium, si placet, generum.

Gn. Morion, cedò Pia hilaria, nunquam hæc vendemus
aliter.

Mul. Non multa, si placet, pia.

Gno. Non, non, pauca pro Die Dominico.

Vin' etiam jocos generosos?

Mi. Quoscumque tibi visum sit.

Gn. At aliqui lascivi sunt.

Mul. Non refert, si sint tantum aliqui.

Indica, fac pretium.

Gn. Non cari sunt sex minis

Tu verò quoniam pulchra es, & Pulchrior est virtus ve-
niens è corpore pulchro.

Sex solidis feres.

Mu. Accipe; Dii vos sospitent.

Mor. Nunquam sic auferes; aliquid mihi dabis.

(Osculatur) *Exit.*

Ac. Profectò, si unquam te in Academiâ uspiam vide-
rim,

Accipiam te opiparè coctis prunis, & cervisiâ primariâ.

Sed necesse est, ut confutationē Orationis componas mihi.

Gel. Effectura tibi dabo nunc jam; mihi facilè effluit.

Morion, ades dum, scribe, quæ loquor; paratus es?

Ac. Sed ità componas oro, ut eadem confutatione hæc,
Respondeam aliis Orationibus.

Gel. Omnibus, si vis.

Antequam ad Disputationem deveniamus, ad aliqua tibi
respondendum est, habuisti itaque in vestibulo Ora-
tionis tuæ——

Mor. Quid? vest—— vestibulum—— delectaris credo
vocabulis

Quæ sunt scripta difficilia.

Gel.

Naufragium Ioculare.

Gel. Aliquid de meis laudibus, sed profecto ego ingenuè fateor me

Non meruisse tantum de meis laudibus. Dixisti porro —
Dixisti porro, aliquid de Mari Philosophico —

Ac. Quid si non dicit?

Gel. Pish, ne time: nunquam quisquam omittet Mare Philosophicum —

Sed video nullas hinc natas Veneres — ha! quid ais Iuvenis?

Ac. Hum! hum! hum! medius fidius pulchrè.

Gel. Dixisti etiam quod — & tum interponas illius verba.

Ac. Quæso tu id facias; non possum quicquam interponere.

Gel. Benè habet: non est opus; perge ad hunc modum. Cætera ex memoriâ dilapsa sunt, itaque sic — & tum Accingas te ad disputandum, scripsisti in *Morion*?

Mor. Ferè; Dilapsa sunt, itaque sic — & tum te accingas ad disputandum. *(legit)*

Gel. Pish; non oportuit scriptum — & tum te accingas.

Mor. Non? significatum hoc oportuit mihi — sed delebo tamen.

Ac. Nihil suprâ: O si repetere possim cum ingenioso tono.

Gel. Id facillimum est; audies *Morionem*, *Morion*, procede in mediûm.

Et lege Confutationem, uti ego te docui.

Mor. Tun' me docuisti? non; ego naturâ sic loquor. Antequam ad Disputationem deveniamus ad aliqua tibi Respondendum est, habuisti itaque in vest — vestibulo Orationis

Tux aliquid de meis laudibus, sed profecto ego ingenuè fateor,

Naufragium Ioculare.

Me non meruisse tantum de meis laudibus, dixisti porrò aliquid

De mari Philosophico, pish ne time, nunquam quisquam.

Gel. Quid? scripsistin' id? dele, inquam, ocyus.

Mor. Quid? non est jocus? delebon' ego jocum optimum? benè, si vis — (delet)

Sed video nullas hinc natas Venena —

Gel. Quid? venena?

Mor. Maximè; annon rectè id quidem?

Gel. Pish! Veneres.

Mor. Veneres? benè; in idem redit — Cætera ex memoriâ dilapsa sunt,

Itaque sic —

Ac. Legit pol facetissimè: quî datur, tanti indica.

Gel. Non cara'st auro contrà; sed solido tibi destino.

Mor. Non, non; ponam ego precium illi, quia repetebam benè.

Viden' has vestes, jocularès nimidò nimis?

Dabis mihi subligacula.

Ac. Hem tibi solidum — adest peregrinus —

Valete; confutabo nunc omnes homines, quibuscum loquor.

Exit.

Scena Nona.

Bombardomachides.

Gn. Adest alius:

Quæ regio in terris nostri non plena laboris?

Bom. Heus! ecquid istâ venditis jocos scholâ?

Effare & istud pande, quodcunque est mihi.

Gno.

Naufragium Ioculare.

Gno. Dicis vera quidem, veris sed graviora fide.
Vt Ovidius in Tristibus, quem librum composuit
Postquam in exilium missus est ab *Augusto*.

Sed sine me dicere tibi cum Poëta: Dic nomen.

Bom. Meumne nescis nomen? O ingens scelus!
Dum terra cælum media libratum feret,
Nitidusque certas mundus evolvit vices,
Numerusque arenis dærit, haud nomen meum
Latebit ullos.

Gno. Hic homo, (quantum video) nondum Virgilium
legit,

Nam eandem rem cum Poëtâ quantò dixisset melius.
In freta dum fluvii current, dum montibus umbræ
Lustrabunt, convexa polus dum sydera pascet
Semper honos, nomenq; tuum, laudesq; manebunt.

Mor. Vix audeo herclé; Hem! fortem me præstabo.
Novos jocos, optimos novos jocos, emine novos jocos?

Bom. Ain' carnifex?

Mor. Nihil, profectò nihil.

Mecum ipse loqui soleo; hic homo non jocatur.

Bom. In profligatas hostium turmas jocos
Empturus argentum fero, argentum bonum;
Minaeque quisquis numerat, inveniet duas.

(ostendit pecun.)

Mor. Ha! ha! habeo! hem tibi jocum pulcherrimum.
Ad hunc modum hostibus responde. Abite in Tullianum,
Et ad laudem eorum converti potest, si dicas modò
Ne abeatis in Tullianum, ha, ha, he!

Gel. Ecquid pestis terreat? in Ciceronem id oportet
dictum.

Mor. Scio hoc, sed aliis applicari facile potest; annon
Locus est in carcere quod Tullianum appellatur?
Possum ego joci savis in loco, diis gratias.

Gel. Hem tibi sales militares!

Naufragium Ioculare.

Gno. Alexander, seu Pellæus juvenis
Nunquam est locutus meliores, exempli gratiâ,
Rex, inquis, Macedonicus mihi ipse dedit —
Tum dicet aliquis, Quid dedit? pecuniam?
Respondes facetissimè, Tergum vel Pænas dedit.

Bom. Sed fac Iambi cuncta ut incedant pede,
Efficias jam nunc, nam mox huc referam gradus. *Exit.*

Gel. *Ædipol* næ commodè processimus, lepidè hoc
officium fungimur.

Mor. Pulchrè nos inter nos congruimus, ingeniosi om-
nes sumus.

Gno. Sævis inter se convenit urfis, ut Vir omni litte-
rarum genere cultissimus.

Gel. Hei! obruimur multitudine. Abite, bellua estis
multorum capitum,

Ha, ha, ha! multorum capitum! ha, ha! redite post pran-
dium,

Vos qui estis bellua multorum capitum. Tutor, eamus
quæso ad prandium.

Gno. Rectè, nam, ut inquit Poëta,
Ludit permistis sobria Musa jocos.

Exeunt.



ACTVS QVARTVS.

Scena Prima.

Cal. Filius, Eucomiſſa.

Cal. F. O me hominem invenustum!

Eu. O infortunatam me puellulam!

Cal.

Naufragium Ioculare.

Cal. F. Amare res liberrima est, Amare tamen cogor.

Eu. Odisse res est liberrima, Odisse tamen vector.

Cal. Cur superi, quam amemus eligunt, quâcum vivamus Patres?

Eu. Cur Patres in corpora potestatem habent, in animos superi?

Cal. Adest *Eucomissa*, aliquid ei dicerem, sed quid dicam, nescio.

Eucomissa —

Eu. Quid?

Cal. Ne valeam, si verbum ne nuptiis (*pari sum*)

O *Eucomissa* — *Eu.* Quid? fac me ut sciam, siquid vis.

Cal. Egon? nihil.

Eu. Cur vocasti autem?

Cal. Immo tantum est, Salva sis.

Et — aliud certè volo si ad audiendum adest benignitas.

Eu. Adest, sed in pauca confèras.

Cal. Siquid unquam ego —

Eu. Exordia *Calliphanes*? quasi docilis reddenda sim & benevola?

Ad rem veni.

Cal. Verbo expediam, Vale.

Exit.

Eu. Enimverò ad hoc audiendum adest benignitas. Vale. Næ ego infelix puella, tam suavem quæ amasium nata sum!

Intemperia hominem tenent, at Patrem multò magis,
Qui huic me hodiè nuptrum cerrito daret. O *Æmylio*,
(*Callipha. redit.*)

Tecum vivendum est solo, si vivendum est mihi.

Te Pater, tu me cepisti, injuriam fortunæ ultus es.

Cal. *Eucomissa*, salve, aliquid te rogatum oportuit qua me propter huc exanimatum reduxi tibi.

Eu. Satin' molestus tandem? quæso te ut sanus fies.

Cal. Præter jus æquumque oras, nam amare, & simul sapere,

Ne

Naufragium Ioculare.

Ne deos quidem penes est, sed Eucomissa; hodiè?

Eu. Ajunt. *Cal.* Quid Pater?

Eu. Iubet, instat, urget.

Cal. Si hodiè nuptura es mihi, cras me efferes.

Eu. Falsus es; nam si nubam hodiè, hodiè moriar.

Cal. Epitaphium mihi fiet in Epithalamii loco.

Eu. Genialis mihi lectus sepulchri fungetur vice.

Cal. Ob lepidum isthoc dictum nunc demum places mihi.

Nunc illud est, cum te libentèr penè in uxorem acciperem.

Quam vox sonabit blandum cum promittat tua,

Quæ tum, cum negat, suavis est!

Eu. Mecastor ego

Vix jam a memet impetro, ut ne te amem,

Cum te amari nolis ità amanter facis.

Cal. O amore omni dulcior contentio!

Eu. O omni pace jurgium optabilius!

Cal. Sic suâ Turtures molliores Venere,

Et murmurant, & gemunt, & queruntur invicem,

Sed questus inter, gemitum, & murmur, amant.

Eu. Sic gratam nostris furtum cum fiat auribus,

Pax bellica inter chordas pugnantes agitur,

Concordant simul, simul & litigant soni.

Cal. Per Venerem Eucomissa, liberalis es; si daretur optio,

Vxorem a Diis ipsis non peterem aliam.

At cætera, sponte facimus, amamus fato.

Eu. Gerundus igitur Fato, non Patri mos est.

Cal. Ne valeam, cum contemplar faciem, si quicquam supra est,

Tam lubrica frons est, oculorum ut effundat aciem.

Cincinnati vinciendis animis nati tibi.

Modestus genarum color, & qualem alia

A verecundiâ mutuantur, genasque æmulantur labia,

Abcamus,

Naufragium Ioculare.

Abeamus, nam si te conspexero diutius,
Periero, Venena mallea in medullas serpunt.
Vin' te Eucomissa mihi in Vxorem dari?
Cupio, per Deos cupio, Eucomissa, loquere.
Sed ne concedas, cupio, ne concedas tamen.
Nisi dura, & difficilis maneat, me interficis,
Nam conceptis ego verbis iusiurandum dedi,
Vxorem, nisi *Æglen* —

Eu. *Æglen Calliphanes?*

Cal. Non, non, non, ah quid feci! aliam volui dicere.

Eu. Afficiam te hodiè *Calliphanes*, nuncio lætabili,
Si *Æglen* deperis, mutuum tecum facit.

Cal. Quid ais? ah noli in spem fluxam me conijcere.
Men' *Ægle*? *Eu.* Oculis plus, inquam, suis.

Cal. Deus sum, si isthoc verum est, O *Eucomissa*,
Cedo sis manum mihi, ut supplex eam exosculer,
Ne vivam, nisi semper te feci meritò maximam.

Eu. Accersas *Æglen*, rem tibi Authorem dabo.
Consilium unà capiemus, intereà temporis, Vale.

Cal. Nunc illud est, cum me —

Eu. Pish, supersede istis verbis, abi.

Cal. Abeo — sed *Eucomissa* — benè: abeo: *Exit.*

Scena Secunda.

Æmylio, Eucomissa.

Æm. *Ædipol* næ hæc machina successit lepidè sub
manus.

Ita paratæ fecerunt omnia ad jocandi artem utilia.

Accommodavit illis *Dipon* aliquid pecuniæ præ manu

Vnde

Naufragium Ioculare.

Vnde utantur, & nunc, credo, aperuerunt Scholam.

Eu. Ha! adest, amorem meum non est uti celem amplius:

Æmylio, adesdum, paucis te volo.

Æm. *Eucomissa,* salve.

Eu. *Æmylio,* hodiè nuptura sum.

Æm. Dii vortant bené.

Eu. Neque à Patre impetro, aliquot uti nuptiis prodatur dies.

Estne hoc miserum?

Æm. Enimverò nihil prolixius.

Nam eo citius virginem exues.

Eu. Sed fac *Æmylio,*

Tibi me nupturam, rem tantam negligenter adeò faceres?
De improvviso duceres?

Æm. Utinam faceres periculum.
Equidem nullis rebus prævorterem.

Eu. Mecastor, pone ita esse.

Ego amo te, sed adversum nos offirmat Pater,
Quid enim ageres?

Æm. Quid? si esset centies pater,
Glaucoram ob oculos obiicerem, uti ne quod videt, videat.
Itaque primum rogo te, vin' hodiè mihi nubere?

Eu. Volo. (fidem.

Æm. Lepidè partes tuas agis: sed da mihi firmatam

Eu. Do testem Venerem.

Æm. Et Marrem ego tibi

Me hodie te ducturum, dicta confirmemus suavio,
O festivum facinus! herclè verò jam nunc mihi seriò
uxores.

Da suavium alterú. *Eu.* Proh deorum fidem! os hominis!

Æm. Osculandi pausam faciam, si os non placet,
Sed aliquid noctu fiet, qua me propter ames meritó.

Eu. Quin aufer te, inquam, ocyús, nempe, quod dixi joco
Ten' aliam in partem accipere decet, impudens?

Mecastor

Naufragium oculare.

Mecastor faxo ut ne impunè in me inluseris.

Vnde isthæc confidentia' st? quæ opes tibi? quæ factio?

Servitutem servire te memineris captum manu.

Æm. At enim liber natus sum, ac forti familiâ.

Eu. Linguam comprime,

Aut dicam Patri ut me in tricas conicis.

Æm. Iste herclè exitus rem lepidam pervortit malè.

Vale igitur, si vis, ad novam scholam me conferam,

Atque aliquos emam jocos in iracundam Virginem.

Eu. Quam ineprè stulta sum! timeo, ut severa fuerim;

Quid si revocem? *Æmytio* redi, quid præter morem ita

Præterque ingenium tuum ea mali consulis

Quæ jucundè dicta sunt? credin' me locutam serio?

Æm. Non, non, serio? neque posse feminam arbitror.

Eu. Cape sis hunc annulum tibi, indignum quo doneris dono.

Si memoriâ nos excidimus hic facito ut subveniat tibi.

Æm. Annulum? maximè, sed jàmne locuta es serio?

Eu. O *Æmytio*, si nosceres — & quidni noscastamen?

Æm. Quidni? quia non sum Oedipus; præter annulum nil intelligo.

Eu. Adeone tardus es? facis haud consuetudine.

Quin, vultum legas, legas & suspiria,

Hunc ipsum legas annulum; sat loquor tacita.

Æm. Legam herclè lubentissimus — oh — Cum annulo —

Quid est? *Eucomissa*, hoc verbum non vult legi.

Oh — efficiam ut velit — Cum annulo animus.

Eu. Ineptus es; res alias si sic agis, Vale.

Quid dixi? immò Vale, sed ne abeas tamen.

Æm. Hum! sic est profectò: nam si memini benè.

Concinnâ facie sum; staturâ commodâ, & ætate integrâ.

Experiar quid sit: *Eucomissa*, advorte animum.

Naufragium Ioculare.

O *Eucomissa*, diu te amavi perditæ. *Eu.* Ha!

Æm. Usque adhuc ausus nihil, nisi oculos pascere.
Amoris tædio enecor, nunc itaque tuum
Perspicere animum, ut sese habeat velim,
In spe atque in timore attentus sum. *Eucomissa*, loquere.

Eu. Pudet confiteri; ô, quid faciam misera?
Mene? similitudinem non reuereris Patris?
Sed mitto Patrem —

Æm. Missam hanc facito modestiam.
Vin' me Maritum tibi? verbo expedias.

Eu. Maritum? ha! quid si id cupiam maximè?
Cupiam? non. nolo *Æmylio*: habes brevissimè.
Quid respondes? *Æm.* Me esse infælicem; Vale.

Eu. Non, non, manta sis modò; Volo, inquam, Volo.
O *Æmylio*, tua sum, tuæ me commendo fidei.

Æm. Et ego *Eucomissa* tuus; præ lætitiâ, ita me dija-
ment;
Apud me non sum; sed mittamus isthæc, adsunt arbitri:

Scena Tertia.

Calliphanes, Ægle, Eucomissa, Æmylio.

Cal. Beasti me; hoc dicto reddidisti animum.
Nec hominum, nec deorum iram teruncii æstimò.
Eucomissa, — *Æmylio*, — Divorum vitam adepti sumus.

Æm. Quid soror? tunc *Calliphanem* amas?

Æg. Meipsam minus.

Eu. Frustrâ adhuc sumus; quid Patri respondebimus?

Cal. Ha! Patri? quantâ de lætitiâ quam subito decidi?
Nullamne facere possumus in nuptiis fallaciam

Æmylio?

Naufragium Ioculare.

Æmylio ? *Æm.* Non minor mea hîc res agitur, quam tua,
Itaque admonere define.

Eu. At siquid potes *Æmylio*.

Æm. An hodiè te uxorem commissurus est *Calliphani ?*

Eu. Ità.

Æm. Dic te velle. *Eu.* Ah *Æmylio*, tam subito animum
A nobis segregas ? *Æm.* Dii avortant omen.

Nemo te unquam nisi mors eripiet mihi.

Nunc quam rem agam accipe: hic nuptiis dictus est dies.

Veras esse credat Pater, at ne sint tamen.

Nam *Ægle* tuam vicem cum *Calliphane* noctu cubet.

Diurna ejus uxor sis ipsa in aliquod tempus.

Nam fortè in diebus paucis aliud se nobis offeret.

Amolimini hinc vos properè, si consilium placet.

Eu. Nullum vidi melius. *Cal.* Abeamus *Æg'e.*

Exeunt.

Scena Quarta.

Gnomicus, Gelasimus, Morien, Academicus secundus.

Gn. Ad cathedram, ad cathedram ocyûs, nam adest pere.
Titubatque pede pes, densûsque Viro Vir. (grinus,

Aca. Tunc es Magister Scholæ ?

Mor. Hei ! Magister ! nemo homo

Me quærit uspiam ; his vestibulis nimium lateo.

Aca. Professor jocorum *Academicus* proximâ Hebdoma-
de jocaturus sit publicè.

Itaque huc me misit salutem ut vobis dicerem,

Opemque in hac re expetissit, & consilium vestrum.

Ideoque hoc munus æqui bonique ut consulatis obsecrat.

Gel.

Naufragium Ioculare.

Gel. Pecuniam ab illo ? *Dii* melius; meus frater est.

Ac. Eo accipias magis, nam fratres metuit suos.

Gno. Quanquam te locator Frater annum jam sales in hoc tempus colligentem, idque Academiâ, abundare oportet præceptis institutisque hujus artis pro, ter summum & Doctoris tui ingenium & Collegii, tamen ad hanc rem, nos (ut videmur) magnum tibi emolumentum afferemus, atque hoc vclui in transitu; sæpiusculè excurro Oratione.

Gel. Præ re isthâc rem prævortam nullam, Sed equos ipse fecit sales ? *Ac.* Collegit aliquos ; Sed fecit ipse adhuc, quod sciam ego, paucissimos. Fortè an duos tresve demi — jocos.

Gel. Morion porrige schedulam, Illam mihi jocosum Tripodalium; nam in Angliâ patria nostra;

Iocorum Proflori Tripodis nomen ponimus. Hem tibi!

Ac. An isti concinnè, in Quæstionem ejus cadent ?

Gel. Aequè herclè concinnè in Quæstionem ejus, atque in ullam aliam.

Hoc habeat propè in exordiū loco, dein Quæstio autem Sequitur: è longinquo, evocabit suos ipse Terminos, Atque si reculent ingredi, invitos trahat secum atque ingratis,

Yti non rarò factum vidimus. Hæc itaque est salutaris Auditorum omnium, ubi obiter deridendos præbet Medicinæ, Legisque Professores, & Doctores omnes præcipue.

Absque hoc nunquam quisquam plausum sibi repperit. Sed (pænè oblitus fui dicere) nullane hîc Comædia Agitur circiter hœc temporis. *Acad.* Immo verò hodie.

Gel. Ha, ha, hæ ! vah Peetam infortunatum nimis, Nam quisquis is est, facetiis meis proximâ Hebdomade jugulabitur.

Accipe

Nanfragium locale.

Accipe sis hanc schedulam; scriptum hic inveniet,
Quod sufficiet largiter ad deridendum omnes posthac
Comædias.

Aca. Dii tibi dent quæ velis, benè valeas.

Gel. Sc! audin' etiam?

Tribus verbis te volo; istam Fabulam Ludos faciet.

Fabula (intellextin'?) Ludus dicitur, jam te dimitto;

Vale.

Exit. Aca.

Scena Quinta.

Ænylio (alio ornatu) Psecas, Gnom. Gel. Mor.

Gel. Satin' ego oculis utilitatem obtineo, annon?

Ædipol virgo fortis est, efficiam ut me depereat de ingenio.

Mor. Principio atque hanc video, manere non possum
diutius,

Ita lauta est; nimio nimi' modestus sum his vestibus.

Æm. Iam para te *Psecas*; si pectus sapit, deras illis da-
bis.

Pf. Pish, aliud cura, magnificè tractabo isthunc *Æni-*
num;

O *Venus*! hæccine est illa schola? lepidus mecastor lo-
cus est.

Semper ego facerías amavi multum, & nutrix mihi

Dicere solita est: Abi, abi, ut vitalis sis metuo,

Ita præter ætatem tuam ingeniosa es nimium.

Et ego pol ridebam: rides? inquit illa, Dii boni!

Vt hujus nunquam non meminero!

Æm. Pish, perge ad rem.

Pf. Quam sæpe res nihili otiosè hæreat in memoriâ?

Naufragium Ioculare.

O *Diana!* quam mihi tunc dierum pro cibo fuit jocularier?
Sæpè ad focum domi obfeditus; ego narrare fabulas,
Festivè multa dicere, omnes in cachinnos solvere,
Nulla (licet ipsa dicam) primarum artium magi' princeps
exitit.

Sed ubi est Magister? videre vellem nimidò,
Nam communicabimus inter nosmet facerias invicem,
Opem meam (satis scio) non habebit despiciatui.
Vbi est?

Gn. Coram, quem quæritis, adsum
Trojus *Æneas*, necesse habeo novam de hâc re sententiam
quærere.

Pf. O Musas! studuisti arti Musicæ: illud ex Virgilio
Accepisti mutuum, immò ego poëtas legi,
Sic sum, non tantum verbis dici potest
Quantum re ipsâ versus amo, & feci sanè
Mediocrates.

Gn. Mediocribus esse poëtis
Non homines, non Dii, non concessere Columnæ.

Gel. Oh! oh! oh! incantavit me aliquis: quod ego
Nunquam futurum credidi, nequeo unum concinnare a-
deo joculum.

Hum! siccin? Oh! tandem ad meipsum redeo.
O cujus genis rosæ invident, & pudore rubescunt solo,
Et tum. —

Mor. Ha, ha, ha! pulcherrimè! si ornatus essem ex meis
virtutibus

Sic adirem virginem; nam deperiret istam faciem.

Æm. Tun' solus hic regnum possides? ubi, si placer,
cæteri?

Gn. St! *Gelasime.*

Gel. Maximè — Pallet Luna, & se victam confitetur —
Statim vobis adero — nec sidera — hum! Ist hoc non
placet.

Cecide.

Naufragium Ioculare.

Ceciderunt plane fidera; Ceciderunt? ha, ha, ut nescienti mihi

Effluxit istic jocus? *Gno.* Hem, *Morion*, ubi es?

Mor. St! ego non adsum.

Æm. Ha, ha, ha, an se præsens præsentem negat?

Nisi jurato tibi, *Morion*, non credemus.

Mor. Per Deos non adsum,

Vt catè delusi homines! illi huc me esse nesciunt, ha, ha, ha!

Gn. An *Morion* atrâ bili percitu' st? id est, an delirat?

Cesson' illum educere ex insidiis, ut lepidè loquar?

Morion, adesto.

(*Educit*)

Æm. Ha, ha! ut stat! reclamante Philosophiâ

Negarem huic esse rationalem, nisi quia risibilem video,

Gn. Humanum est errare: erras profectò hospes,

Nam omnis homo est rationalis, ut acutissime observat *Simplicius*.

Pf. Nolite, obsecro, deridere, per pol quam modestus est!

Mor. Me laudat.

Gel. Eugel jam habeo.

Mor. Hercle audaciter alloquar.

Salve tu, O cujus gens rosæ invident, & pudore rubescunt solo.

Gel. O mastigiam! quæ mea est Oratio, occupat præloqui.

Vt perdidit mihi sex jocos, & tres amatorias sententias!

Gno. Perge *Morion*.

Mor. Perge tu, si vis, ego dixi satis.

Gno. Adestum *Gelasine*. Hic est jocator ille, Cui meliore luto finxit præcordia Titan.

Pf. Mecastor liberalis est: salve multum, te unum ex omnibus

Festivum fama magnificavit, itaque ad te huc venimus visere.

Naufragium Ioculare.

Nam me etiam lepidam vocant, etsi hanc mihi Laudem non arrogem.

Gel. Syderi equidem cujus sub auspicio natus sum, minorem gratiam habeo,

Quam oculorum tuorum syderibus, quæ me perspexerunt modò.

Ha, ha! optimè loquor semper de improvviso, Quod signum est boni ingenii, proculdubio hæc mea est, Obsecro, quænam est hæc virgo?

Æm. Factione summâ, & divitiis pollens. *Bombardomachidis* filia est strenuissimi ducis.

Gel. Nimiò nimi' novi ego istum *Bombardomachidem*. (Hic illum derideo) sed tamen tantò melius est.

Æm. Ecquis homo tantum stultitiæ in se possedit uspiam.

Quid si oblectem me cum istis? placet, heus! auditin? Quoniam vosmet magnificatis ita de istis artibus.

Dabo equidem sponsonem, me vos unum singulos Redacturum modò jocis meis ad silentium.

Agite sulkis, experiamur in hanc partem quis plus possiet.

Pf. Vide quid agas prius. Ego ab hujus parte stabo.

Gel. A meâ: nescio unde hoc sit, multò sum beatior Quam vulgus hominum, quæcunque vocem audiunt, Continuò me amant perditè. O superi! gratias ago, Multum de me meruistis; Heus, audacule, Quoniam ita vis virâ interfici, ascende hanc sellulam: Opponam ego primus, sed miseret me tui.

Mor. Benè herclè facis; ego obsecundabo tibi in loco, Abi, audacule, abi in Tullianum.

Æm. Esto tu Moderator.

Gno Agonotheta ero, ἀνὸ τῆ ἀγῶν & πρῶτον, nam sic Joſti vocant. Tu oppones *Morion* Secundo in loco.

Mor. Rectè, recedam paululum

Nanfragium Ioculare.

Et confutationem Orationis ejus meditabor mecum.

Gn. Antequam illam nosti ?

Mor. Nosti ? nemo non potest

Confutare tum cum noverit, ero singularis ego.

Pf. Discrucior animi, quod mos non patitur,
Disputare faminas publicè: vellem hos Opponentes mihi.

Gn. Ascendat Locator.

Proditum est memoriæ antiquos Philosophos post multos labores sese recreare solitos fuisse. Agite igitur, hilarum hunc sumamus diem, nam arcus nimium intentus citò frangitur; habent sua Ludicra Musæ; & Apollo Musarum Parens, aliquandò latet, aliquando patet. Tu vero Spartam quam nactus es, hanc orna, ut non minus, aut etiam plus modestia tua, quam ingenium appareat. Cave à Majoribus, nam ingenium non ferent, & observa semper cum Poëtâ, Parcere personis, dicere de vitiis.

Æm. Orationem tuam —

Gn. Nolo pati istam impudentiam, conferas te ad provinciam tuam.

Æm. Sapienter quidem facis, quod Orationem tuam non vis repeti.

Gn. Autoritate mihi ab Apolline commissâ, jubeo te acquiescere.

Pf. Ha, ha, hæ ! utinam ista mihi autoritas committeretur ab Apolline.

Æm. Non datur ars jocandi — Incipiam à Postremo Terminò Iocandi, qui est Terminus Hillarii. Artem omitto, quia mos est ita facere.

Datur est verbum; nam nunc dierum Res talis non est, quædam dicuntur dari propriè & simpliciter, sed hic sensus verbi jam antiquatus est: alij verò improprie & secundum quid, ut Gradus in Academiâ, & in Collegiis —

Gn. Omitte illud verbum; scimus quid velis.

Æm. Sed, ne erretis in hac re, dicam vobis, quid dandum

Naufragium Ioculare.

fit, quid non, primum omnium dabitis mihi — si placeo — Manus vestras — si minus — Veniam. Dabitis Aulico nova juramenta, nam fregit omnia vetera. Ad cælum enim ire ne cogitat quidem, quia audit paucos illic esse tonsores & sutores vestiarios, itaque nunquam oravit in totâ vitâ, tantum aliquandò dixit Deo, se ejus servum esse ter humillimum. Et tamen odit Diabolum, quia Cornutus est, eoque similior illius Creditorum Civium. Secundò Dabitis Puritanis verba; jam enim illis silentium indicitur, siquandò autem privatim prædicent, dabitis aures vestras; nam suas amiserunt. Dabitis Academiis —

Gn. Nolo istud dici; ne quos ridere hic oportuit, Erubescant aliqui: satisfecisti officio tuo.

Respondere tibi vellem, sed neminem in loco meo Extrâ unum novi, qui respondit nugis hujusce modi.

Ascendat Opponens primus; Disputationem in alium Differamus diem, nunc jam respondeas tantum breviter. Age; Spartam, quam nactus es, hanc orna.

Gel. Faciam, sed numera jocos meos, dum respondeam.

Gn. Pauperis est numerare pecus. Numera hoc *Gelasime*, Obsecro, Auditores, ut in adversam partem ne rapiaris, Quod in hoc dignitatis gradu præter morem aliquandò jocos.

Æm. si in eam partem peccas, facile te profectò condonabimus.

Sed mihi crede, Doctissime Moderator, adhuc ab hac culpâ liber es.

Gn. Doctissimum me vocat; non interficiam illum hodiè.

Gel. Quoniam dandi regulas nobis dedisti. Ibi unus *Gnomice*.

Est magnus jocus.

Æm. Tam magnus herclè ut videri nequeat.

Gel. Pish! annon ludo in reduplicatione τῷ Dare?

Gn. Est

Naufragium Ioculare.

Gn. Est certe dimidia pars joci.

Æm. Oh ille, fortasse credidit,
Dimidium plus toto esse.

Gel. Dii, Dæque, Superi, Inferi,
Pessimis me exemplis perduint, nisi dicturus id eram.
Numera *Gnomice* pro meo, Eripuit eum ex animo meo.

Æm. Rectam herclè instas viam, ingeniosus ut fias,
Si futuris, ego quæ dico. *Pf.* Summi est ingeni.
Sic facere, nam tuo jam te jugulat gladio.

Ibi ego etiam: pudet sanè ne mutam stare

Inter tot jocantes. *Gel.* Sed repetamur à diverticulo:
Dicam ergo tibi, quid dedit mihi rex *Macedonicus*.

Æm. Quin pergis? *Gel.* Quia jam te oportet dicere,
Quid dedit tibi? pecuniam? *Æm.* Quid si nolum dicere?
Tun' me coges?

Gel. Non, sed nisi detur Ansa, quis potest jocularier?

Æm. Benè, si me oras, dicam, ne omnino coram hac
faminâ nobili

Ignominiosè taceas. *Gel.* Et ego sic respondeo:

Pecuniam? non, non, non. Tergum vel pænas dedit.

Ibi duo joci *Gnomice*. Sed obiter hoc —

Dixisti Artem jocandi non dari. Falsum! nam ars joca-
di est

Res ingeniosa, sed res ingeniosa datur; nam

Crede mihi res est ingeniosa Dare.

Æm. Curis sit hic jocus, nam tribus ab hinc petitur mil-
liaribus.

Concionatorem nunquam audiui, textum cum perdiderit,
(Vt sæpè fit) per tot circulos illum querere.

Walli in hunc planè modum ad suam scandunt originem.

Ap Ars jocandi, Ap datur, Ap Res, Ap ingenium, Ap

Crede mihi res est ingeniosa dare.

Gel. Onerabas deinde maledictis Aulicos, sed nimium
rusticè,

Naufragium Ioculare.

Iterum *Gnomice*; ob rusticitatem illum derideo,
Est & elegans quædam antithesis inter *Aulicos* & *rusticæ*.
Quæ addidisti de *Puritanis*, intacta prætereo,
Quoniam imitatus es illa quæ hodiè mane dixerim,
Cum illos in *Novam Angliam* ire iussi, cætera
Ex memoriâ aufugerunt.

P. Nequeo quin plaudam manibus.

Atque ita omnes vellem, cum audiant quod placet, facere.

Gn. Satisfecisti officio tuo: ascendat *Morion*.

Mor. Ità facio; quæso ut jocos meos numeres *Gnomice*.

Æm. Hei! cum istis vestibus disputaturus venis?

Carent *Modo*, & *Figurâ*. Nulla est *Consequentia*

Inter earum partes. *Mor.* An vestes meæ tibi nocent?

Æm. Ità sanè me terrebant modò, cum hic ascenderas.

Mor. Ha, ha, hæ! ut me vidit, hominem terrui; novit
qui sim.

Quid cum me audierit? Attendite, nunc incipio.

In principio orationis tuæ habuisti aliquid de meis lau-
dibus, sed

Ego ingenuè fateor, me non meruisse tantum de meis lau-

Æm. Egon' de tuis laudibus? (dibus,

Meritò pol me confutare possis, si habuisses tale quid.

Mor. Pish! ego hoc suppono — itaq; nunc pergo, numerare
Dixisti porò aliquid de mari *Philosophico*. (*Gnomice*,

Æm. Quid? de mari *Philosophico*?

At illud ego adhuc ne primoribus quidem labiis attigi.

Sed si animum induxisti deridere *Mare Philosophicum*:

Indulgebo tibi hanc veniam.

Mor. Non? tum hæc tua culpa est *Gelasime*.

Annon dicebas, quod nunquam quisquam omitter *Mare*
Philosophicum?

Om. Ha, ha, hæ!

Mor. Ecquid me ridet? *Gn.* Perge *Morion*.

Mor. Pergat qui vult, si ridetis: ego satisfeci officio meo.

Cætera

Naufragium Ioculare.

Cætera ex memoriâ dilapsa sunt: Et sic desino. (*descendit.*)

Gn. Vos itaque cum meritis omnes dimitto laudibus,
Et Vitulâ tu dignus & hic. Arcades ambo
Et cantare pares, & respondere parati.

Pf. Deus bone! quam pulchrè vos omnes processistis
hodiè,

Ego vobiscam ipsa disputabo vice proximâ.

Doctissime Moderator vale, dii tibi dent quæ experis.

Gno. Et longum formosa vale, vale inquit Iola.

Pf. Tu *Gelasime*, sequere me sis domum, nam de ipe
isthac est tibi

Quod sola soli dicam.

Gel. Beatus sum! libenter sequor.

Quantum diis magnis debeo, quod me tam lepidum fecerint!

Pf. *Æmylio*, i præ, pish, omitte istas ceremonias.

Mor. Ego illos comitabor, satis sum jocatus hodiè.

Gn. At ego inus me recipiam, benè hodiè fecimus.

Exeunt.

Ite domum saturæ, venit Hesperus, ite Capillæ. *Exit.*



ACTVS QVINTVS.

Scena Prima.

Æmylio, Dinon.

Æm. Pro certon habes advenisse *Polyporum*?

Din. Siquidem quod vidi certum est.

Nifi

Naufragium Ioculare.

Nisi fallant oculi.

Æm. Mirum est ni fallant aliquandò, si sint tui,
Nam tu totus, quantus quantus, nihil nisi asteria es.
Sed, ut placet, ubi vidisti? ecquid idoneus visus t,
Ex quo argentum cudimus? ha! numquid est tractabilis?
Utinam accepisset literas.

Din. Accepit jam in portu.
Et largus lacrymarum huc properat.

Æm. Quis istud nosti?

Din. Ut vidi, suspensò gradu ibam, adstabam, compri-
mebam animam,
Atque ubi cepi animum attendere, sermonem hoc capta-
vi modo.

Proin tu *Bombardomachidem* induas, ut accipiamus homi-
nem,

Hic esto; cum rogabit, ubi habet *Bombardomachides*?
Huc per pollicum introducam illum tibi.

Æm. At militi claves reddidi.

Din. Pish! sexcentæ sunt causæ quamobrem illas pos-
sis reperere.

Abi modo: sed enim captivis quid faciemus? absunt perin-
commodè.

Æm. Oh! dicam *Polyporo* tempus nunc non esse, ut il-
los videat,

Et jubebo cras redeat? Satin? polita sunt hæc consilia?
O fors fortuna quam secundis rebus hanc mihi onerasti
diem!

Abeamus mi charissime *Dinon*.

Din. O, mi suavissime *Æmylto* abeamus.

Exeunt.

Scena

Naufragium Ioculare.

Scena Secunda.

Gelasimus, Psecas, Morion.

Pf. Viden' ergò quam posthabui omnes res ingenio tuo?

Nam me in uxorem multi expetiverunt Principes,
Quos demisi, quia indocti erant, doloris compotes.

Gel. Dii me faciant quod volunt, nisi minù gaudeam
De potentia tua (nam & ipse in miâ patriâ
Sat dives & factiosus sum) quam quod hæ nuptiæ
Magno futuræ sint totius orbis commodo.

Namque ex te nostro quisquis suscipitur semine
Suis se dictis immortalis afficiet gloria,

Fietque Imperator jocorum optimus maximus.

Pf. Cupio equidem Poëtam parere.

Gel. Meâ fide paries.

Nam vagiebam ego metricè, & in lactis loco
Heliconis aquam suxi, tum autem in Parnasso hicipiti
Sæpiculè somniavi, sed, ut verum fatear.

Nulla mihi carmina tam facili Minervâ fluunt,
Quam Epigrammata, aut satyri, nam festivissime
(Ut nosti) deridere homines soleo.

Pf. O Musas omnes!

Quam undiquaq; sententiis tuis intermisceres facetias!

Gel. Ha, ha, hæ, animadvertissin' ar peperi ego dicere,
De illis, ut expetirer, utrum tute per te eas intelligeres.

Pf. Ah! nunquam Patris in me inimicitias caperem
Tui causâ, nisi intelligerem probè ingenium tuum.

Mor. Colloquuntur familiariter, metuo ne præcipiat mihi
Illius animum, namque amo illam plus vino & saccharo.
Et nisi me amet mutuo, abeat sanè in locum

In

Naufragium loculare.

In carcere quod Tullianum appellatur.

Gel. Abeamus, mea Sappho,
Vt à sacerdote aliquo celebretur nobis matrimonium,
Morion, abi tu domum.

Mor. Ne me contemptim conteras;
Tam ego disputabam hodiè, quam tu. publicitùs.
Et confutavi hominem. *Pf.* Exemplis pessimis
Ludificator istum fruticem nisi hinc properè auolet.
Oh superas! occidi, mortua sum! Pater hùc venit, non
quæritans,

Et stricto gladio necem hùc minatur omnibus.

Mor. Oh, oh, non possum aspicere *Bombardomachidem*,
Nimio nimis ferox est, jocari mecum noluit modò.

Gel. Tam mortui herclè sumus, quàm mare est mortuum,
Ibi iterùm, velim, nolim, non i primo me, quin jocer.
Nullumne hùc latibulum est?

Mor. Oh! quæso ostendas aliquod,
In ipso foramine Actis nunc jam jacere poteram,
Ecquem hùc habes caseum? nam muris instar optimè
In illo delitescerem.

Gel. Non, non, falsus es *Morion*,
Nam tunc excederes latebras tuas. Vt illum derideo
Hoc tanto in periculo!

Pf. Hei mihi! est intus dolium _____
Vt contollit gradum! ut oculi virent iracundià! —
Illic si vis temet occultare.

Mor. Dolium? cedò sis, bona fæmina:
Nunquam me pudebit à *Diogene* exemplum sumere.
Vtinam esset plenum; evacuarem mihi quam citissimè.

Pf. Sequere me, tibi mox prospiciam *Gelasime*.

(*Exeunt Pfecas, Morion*)

Mor. Ità, cum ego in tuto sim; dolium? magnificà pol
domus est.

Gel. Oh! oh! audire visu' sum strepitum militis,

Tergum

Naufragium Ioculare.

Tergum vel pœnas illi dabo; ut mihi Rex Macedonicus.
Oh! jam venit, scio; jacebo hîc, quasi essem mortuus;
Nolo saltē cernere fatum meū. (*recumbit*) (*Psecas intrat*)

Pf. Ha, ha, he! *Gel.* Oh! adest!

Pf. *Gelasime*, surge, ne metuas malum.

Gel. Profectò, *Bombardomachides*, non duxi tuam filiam;
Neque unquam volui. *Pf.* Quid?

Gel. Non: quæso ne me jugules,
Memineris, obsecro, jocorum Militarium, quos feci tibi,
Quin effeci insuper, Iambi ut incedant pede.

Pf. O Venus! ludos lepidos. Adspice ad me *Gelasime*,
Pater non adest.

Gel. O mea Sappho! ubi est pater tuus? obsecro an venit?

Pf. Neque venturus est, ex composito hoc feci adeo,
Vt nobis sine Morione arbitro fierent nuptiæ.

Gel. Ha! scio hoc equidem, & ego etiam per industri-
am (*surgit*)

Dissimulavit quasi essem timidus—sed, numnam in vado
sumus? —

Annon dissimulabam lepide? — certè aliquid audio—

Non venit spero. *Pf.* Ne time; sed festinato opu'st,

Ne tandem fortasse seriò nos pater opprimat.

Gel. Vera dicis; properemus mea Musa, mea Vrania,
Vt te amo mea Polyhamne, mea Melpomene! *Exeunt.*

Scena Tertia.

Æmylio (ornatu militis) Dinon, Polyporus.

Æm. Intromittatur sino; fac pateat janua;

Poly. Tun' ille es Miles, arte tam insignis duellicâ?

Æm. Periphrasin veram nominis dicis mei.

Pol. Si is es, filium manu cepisti meum.

Æm. Si filium cepi tuum, captivo Pater es meo.

Pol.

Naufragium Ioculare.

Pol. Huc itaque eâ gratiâ huc veni tibi,
Illorum uti pro capitibus pecuniam duim,
Oro igitur me absolvas, quamprimum poteris,
Nec mora in te sit sita, quin pretium auferas,
Cupio videre ipsos; & complecti miseros,
Tam Pater capto sum, quam dudum fui libero.

Æm. Nunc aliqui me expectant reges; cras redeas licet.

Pol. Cras illud, Patri filium querenti annus est.

Bom. Oculi ne claves obviam fiunt tuis? (*intus*)

Cal. P. Nisi jam reperiant, effringantur foribus cardi-
nes, (*intus*)

Ne mora Exorcistæ objecta sit, cum hâc advenierit.

Bom. Edico jam nunc foribus bellum meis,
Posthæc ut istum timeant, efficiam, pedem.

(*Bombardom. frangit fores*)

Æm. Occisissim' sumus *Dimon*; Heus! quis est ad fores?

Scena Quarta.

*Bombardomachides, Calliphanes, P. Æmylio,
Dimon, Polyporus, servi Bombard.*

Bom. Oh! spectra cerno? ludit an oculos meos
Imago fallax? non possum pergere lambicé,
Ita validè timeo.

Cal. P. Ha! quid est? quid tremis adeo?

Bom. Me frigus, haud formido, ut tremam facit.

Æm. Dimon, in te spes omnīs vertitur, sis *Dæmon* iterū,
Representari salus nostra non aliter potest.

Din. Ne desponde animum, pulchrè homines vorsa-
bimus.

Cal. P.

Naufragium loculare.

Cal. P. Nihil adhuc video—hum-- Leopardus rediit,
Ipsus est Leopardus, quem conspexi prius.

Din. Oh, ho, o, ho, urite, fundite, tundite, cædite,
vertite, domum, ho, ho, fundite, tundite domum.

Pol. Quænam hæc deliramenta? suntne atrâ bile per-
citi?

Din. Πολλὰ δ' ἀνάντα, κατάνη. πάργυλά τε, δόχμιά
τ' ἤλδον.

Æm. Φεικλὰ δρακοντικόμων ἰθαίζετο φίλα γυάντων.

Pol. Quicquid sit, aut hi homines insaniunt valicé,
Aut aliquid mentis subest. quâ fugere insistam viâ?

Bom. Oh! quæso bone Dæmon ne accedas adeó, oh!

Polyp. Men' times vero? tam homo sum quam tu.

Bombardomachidem hîc quæro.

Bom. Men' quæris? obsecro;

Recedas, tecum nihil negoti est mihi. Oh! quæso.

Din. Πολλὰ δ' ἀνάντα κατάνη.

Æm. πᾶσαντά γε, δόχμιά τ' ἤλδον.

Cal. P. Oh! metuo malè ne me persequantur Dæmones,
Quia ad nuptias injustitiâ meâ coëgi filium.

Bom. Mallem in mediâ acie, quam hic me stare loci.

Vtinam — (quid faciam?) utinam essem jam nunc mor-
tuus,

Sed mori non possum.

Pol. Proculdubio istud somnium est.

Ita res hæc me dubium dat, ut quis sim, aut ubi, nesciam.

Bom. Claudam herclè oculos, videre non sustineo.

Din. Occidam, jugulabo, interficiam, capiam, rapiam,
fundam, tundam omnes illicò.

Bom. Immò non timeo, video profectò nihil.

Cal. P. Nihil? cæcus es *Bombardomachides*? accipe sis
specularia.

(*Bombard. manus ex-*

Æm. Πλευράσβατο διακόνης. tendens fortè tiaram

Bom. Oh! *Æmylionis deicit*)

Æm. O

Naufragium Ioculare.

Æn. O *Dinon* acta res est: emergi hinc non potest:

Bom. Servusne noster? facinus indignum & grave!

Iupiter, omni parte violentum intona.

Iaculare flammæ, lumen ereptum polo

Fulminibus exple — jam possum iterum Iambicæ.

Cal. P. Proh Deos! ficcin' te servus pro delectamento
vlu'it?

Arripiant aliqui sublimem, & extinguant illi animam.

Tun' (*scelus*) pro arbitrio nos terres senes?

Bom. Terrere me non potuit, timui nihil.

Cal. P. Non sum compos animi, ita incendor iracundiâ.
Itane istud patere *Bombardomachides*? occide eos.

Bom. De fine penæ loqueris, ego pœnam volo.

Ardeo furore: tam diu cur innocens

Hos versor inter? tota jam ante oculos meos

Imago exdis errat.

Din. O! dii te perdant *Ænylio*.

Æn. Quin, quod ferundum est feramus æquo animo,
Video non licere quicquam jam pertendere.

Pol. Frustrationes ego istas mirari satis nequeo.
Heus, estne miles Hic, *Bombardomachides*?

Bom. Men' ergò nescis? Ipse *Bombardomachi-*
des sum (in versu sequenti)

Pol. Paratus es meum mihi jam filium reddere?

Bom. Quem habeo filium reddam, sed nullum habeo.

Pol. Quæ te mala crux agitat autem? hem Litteras
tuas

Quas in portu accepi modò.

Bom. Ha! Dux *Bombardomachides*?

Ænylio scripsit istud: O ingens scelus!

Incertus, atrox, mente non sanâ feror

Partes in omnes; unde me ulcisci queam?

(*Verberat Dinonem & ejus barbam arripit.*)

Din. Oh! obsecro te.

Pol. O

Naufragium oculare.

Pol. O Dii boni! quid ego video? Dinonem servum?
Hem! Dixon! quid hic agis? ubi filius meu' st?

Din. Æmylio, quid faciam in his angustiis? confitebor omnia.

Æm. Suspende te, si vis: Diis iratis natu' sum.

Cal. P. Hi homines ingentem aliquam adornarunt fabricam.

Articulatim te concidit hic servus tuus

Quantum adhuc video: faxo confiteantur omnia,

Hecus Lorarii! quis intus est? Lorarii inquam!

Pol. Immo deposita veste se verberibus impleant invicē
Donec omnia exquisivimus, ut lubitum' st nobis.

Bom. Locutus es, non malè, fiet modò.

Adeste servi, Dominus hoc vester jubet. (*Inged. Lorarii*)

Æm. Strenuum me præbebo hominem scapularū mihi
Sat magna confidentia est. *Dinon*, bono animo es.

Din. Quin Stoicus, inquam sum, dolorē nunquam sentio.
Moriemur, sat scio; si præter spem quid evenit
In lucro deputabo esse. *Bom.* Audin' serve?
Flagella fac sint nobis in promptu duo.

(*Exit servus, & redit cum flagellis.*)

Cal. P. Interea quod est temporis, tu deme illis diploides.
Ha! statua verberet, nos vetulos habetis ludibrio?

(*ponunt diploid.*)

Æm. Aliud cura, Carnufex; non possum ego hoc ex-
uere! (*ad lorarium*)

Vapulare herclè nolo in generosis meis vestibus,
Scio ego, quid sit vapulare.

Din. O miram rem! scientia talis, dicenda est sola li-
beralis. Satin' Æmylio fortiter?

Bom. Ridetis? at mox humen ex oculis cadet.

Cal. P. Hem! da flagella illis in manus ocyus.
Nisi pœnas de se strenuè sumant invicem.

Quasi incudem cedas illos; ac pugnis oneres,

Din. Video necesse esse, ut exerceamus nosmet.
Age, incipiamus mea Commoditas.

Naufragium Ioculare.

Æm. Mea opportunitas incipiamus.

Din. Tu nebula major es, tibi herclè locum cedo.

Cal. P. Ludunt herclè; heus Lorarii, facite ut pugni in malis hæreunt.

Ad mortem vos ambos darem, si essetis mei.

Æm. Quin abi in malam rem; nil opera opus tuâ est,
(*ad lorarium*)

Annon *Dinon* satis idoneus visu' st, qui me verberet?

Din. Hem tibi, mi Alter idem!

Æm. Meus bonus Genius! (*Se vicibus flagellant*)

Din. Meus *Pilades*! *Æm.* *Orestes* meus!

Bom. Hæc verberandi mihi sat methodus placet.

Tam similis est bello. *Cal. P.* Fecistis probè.

Cessite paululum, exquire nunc jam, quidvis.

Pol. Quid *Blío* factum est meo, cum Tutore ejus & *Ge-lasimo*?

Din. Emunximus illos mucidos; & argentum effecimus.

Æm. Et vestes, viden' ornatum *Morionis* tui?

Me multò decent magis. *Pol.* O frontes hominum!

Din. Dicam omnia; animum advortite, nam fabula lepidissima' st,

Primum omnium, appoti probè ut obdormirent, fecimus.

Æm. Dein vestes *Morionis* pannis commutavi meis.

Din. Dein, quasi captivos, in vinclis hîc habuimus.

Æm. Dein Scripsimus Epistolam, te ut vorsaremur in-super. (*cimus.*)

Din. Dein spectris fictis *Bombardomachidem* perterrefe-

Bom. Egonè vana ut spectra timerem scelus!

Adesse vel jam *Dæmonum* turbam velim. (*tum merui?*)

Pol. O impudentiam! O mores! quid ego de vobis tan-

Æm. Ha, ha! homo suavis! nos ut parceremus tibi?

Cum bardum genuisti, sapientium id fecisti gratiâ.

Stultus est Commune Bonum.

Cal. P. Obstupesco! ita hæc res mira' st.

Din. Immo nihil jam celabo, nolo, *Æmylios*

Ex istis technis tibi melius sit, quam mihi.

Eucomiſſa

Naufragium Ioculare.

Eucomissa — *Æm.* *Dinon!* ô scelestum caput! (*flagellat*)

Bom. Muttiren' audes? pisce sis mutus magis.

Din. *Æmylioni* nupsit hodié, & Dii vortant sæliciter.

Bom. Quid tangit aurem? ferte me insanæ procul,

Illò procellæ ferte, quo fertur dies

Hinc raptus, ô, quis filiam ostendet mihi?

Longinqua, clausa, abstrusa, diversa, invia

Emetimur, nullus obstabit locus. (*Exit Bombard*)

Æm. Nunc demum perii solidé, hoc durum in corde est mihi,

Quod mei gratiâ, *Eucomissæ* pejus erit,

Præterquam, quod carendum est illâ, nil adhuc doleo.

Cal. P. Si esset mea, omnem de illâ animum

Eiicerem Patris, & alienarem miseram à familiâ.

Si filius meus ad hunc modum — sed nonvult, aut si cu-
peret maximé,

Captare consilii nil posset, quia olfacerem prius.

Din. Immò Ille proculdubiò his noxiis vacuus' st.

Nihil in se culpæ unquam commisit, Tantum,

Præter imperium tuum, & præterquam iussisti sedulo;

Æglen hodiè duxit. *Cal. P.* *Æglen*? non potest fieri.

Non, non, non audet: quicquid sit, videbo tamen.

Si verum est, statim cum uxore quatietur foras. (*Exit.*)

Æm. Quicumque sis, peregrine, nolo precator mihi

Orare ut fies, nam adversus isthæc obfirmavi mala,

Sed ut pacem *Eucomissæ* conciliares ab ejus Patre

Id oro, atque obsecro: age, etsi parum de te meruerim,

Popularis tuus sum. *Pol.* Meus?

Æm. Siquidem es Anglus patriâ.

Pol. Quî istud factum est, hic ut servitutem servias?

Æm. Fortunæ ædipol vitio, nam prognatus patre

Mercatore sum ditissimo, sed sic fors tulit

Cum sorore simul parvulâ hic ut me caperet parvulum.

Pol. Hei mihi!

Æm. Quid lacrymas obsecro? istud me decet magis.

Pol. Quia miseras mihi meas hoc dicto in memoriam
redigis.

Naufragium Ioculare.

Nam filiolarum ego etiam cum fratre unâ perdidit.
Vbi capti estis?

Æm. In navi, cum in Hispaniam transmisit Pater
Mercaturæ operam dans, ac rei studens.

Pol. Quodnam erat navi signum?

Æm. Castor & Pollux.

(venit.

Pol. Dii boni, quo magis quæro, eò plus plusque con-
Si est, ut hæc mihi res indicium facit,
Omnium, qui sunt in terrâ, sum beatissimus.
Quot annis abhinc?

Æm. Mense proximo erunt oðodeceni.

Pol. Dii memet ex re perditâ servatum volunt.
Si isthæc vera sunt, non dubito quin sis meus.
Cæterum adest Miles, ille me certiore faciet.

Scena Quinta.

Bombardom. Cal. P. Cal. F. Eucommisa, Ægle.

Cal. P. Quin exi, flagitium hominis, cum uxore trives-
neficâ,

Faxo, si vita mihi superet, istius obsaturabere.

Æg. Obsecro prolixè senex, uti quod te habet malè,
In me totum evomas, cum illo modò in gratiam redeas.
Mea omnis culpa est; Ille abs te innoxius,
Per Deos mea est.

Cal. F. Non, non, cave illi credas Pater,
Tuam in me iram derivari multò æqui u'lt.
Blanditiis istam meis coniecì invitam in nuptiis.

Pol. Accommoda mihi miles paululum aures tuas,
Nisi sit molestum.

Bom. Vrantur irâ fibræ, & exardet jecur,
Vrantur inquam, loquere at quidvis tamen.

Eu. O Æmylio! hunc in modum celebrantur nuptiæ?
Vercor

Naufragium Ioculare.

Vereor ne eodem fiam vidua quo die nupta sum.

Æm. Habe modo bonum animum, mea Vita, tibi nil
Meamq; ne doleas vicem, nam Deos testor, (faciet mali.
Si unâ hâc nocte cubuissem in complexu tuo,
Cras illud esset, cum me vellem interfici,
Ne ulla unquam ægritudo contaminaret illud gaudium.
Sed meliore in loco, diis grâtiâs, spes sica est mea.

Pol. Immò omnem mihi rem explicatam dedisti pul-
Insperate File, salve, (chre.

Cum hic te conspîcor; quam superat mihi
Atq; abundat lætitiâ pectus! ubi soror tua est?

Æm. Eccam ipsam, mi pater charissime! amœnitates
Hic mihi dies obtulit! *Pol.* Iam, virgo mea es. (quantas
Ha, ha! filium & filiam? ha, ha! lacrymo gaudio.
Et tam liberaliter educatos! quis me fœlicior?
Age Miles, face te lubentem filix nuptiis.

Bom. Nil jam negabo, cuncta concedo, senex,
Quoniamque natam dedit, ut ducat volo.

Æm. Audin' *Eucomissa*? iterum mihi natus videor.

Eu. Et ego iterum nupta; ô mi *Æmylio*.

Cal.p. Quam suo mihi hic sermone arrexit aures?
Fili, quoniam istam virginem tam miserè deperis,
Difficultas a me non erit, quin pro uxore habeas.

Cal.f. Reverà mihi pater es, & diis ipsis proximus.

Din. Tot inter gaudia, ut video, vapulandum est mihi!

Æmylio, volo te de communi re appellare mea, & tuâ.
Meministi n' quo ornatu te primum invenerim
Meâ profectò operâ hæc omnia evenerunt tibi.

Æm. Fœneratò hanc mihi operam locasti, *Dinon*,
Nam mecum semper vives, suppeditabo ego tibi sumptibus.

Din. O mea Commoditas! meus bonus Genius!

Æm. Meruisti herculé; (strenue!

Nam vel modo, mea opportunitas, quam me verberasti

Din. Meruisti herculé. Ego vel iterum, mi *Æmylio*,
Voluptatis tuæ causâ, defessus verberando feream.

Æm. Sed obsecro, mi Pater, an *Morian*, meus frater est?

Naufragium Ioculare.

Pol. Nihil minus; nam cum vosmet infortunatus perdidisti;
Ne prorsus viderer ortus, recens natum servi mei puerum.
Pro meo sustuli; is hic est, quem vidistis, *Morion*.

Scena Sexta.

Gelasime, Psecas.

Sed quem ego video? *Gelasimum*, amicum *Morionis* mei?
Gelasime salve. *Gel.* O *Polypo* e salve: nescis quam beatus
Vbi est *Bombardomachides*? *Ps.* Illic; non vides? (ego sum!

Gel. Hic non est ille *Bombardomachides*, ad quem me in-
sinuavi callidé.

Ps. Pish, credin' me ignorare patrem meum, quis fiet?

Gel. Non, non; filius tuus *Gelasimus*, hinc flexo poplite
Ut sibi benedicas, obsecrat, atque ut nuptiis suis.

Bom. Ex ore quid venit tno? Tun' filius meus?

Gel. Fortassis hoc me credis per jocum dicere,
Quia jocarì semper soleo; sed profectò loquor seriò.
Detrahe velum, mea *Musa*: hem! nostin' filiam tuam?

Om. Ha, ha, hæ. *Ps.* Immo ne admiremini:
Egonupsi isti *Asino*, sed præceptis meis,

Efficiam brevi, ut moratus sit sat bené.

Eucommisa salve, jam sum ejusdem tecum ordinis,
Colloquemur inter nosmet amicè, & capiemus consilium,
Quid maritis faciundum sit, servire si nolint nobis.

Gel. Tun' negas filiam tuam hanc esse? *Om.* Ha, ha, hæ.

Gel. Quid (malum) rideris? nullum hic dixi jocum.

Æm. *Gelasime*, da hoc etiam pugillaribus tuis.

Os mihi callidé sublitum est quarto Non. Feb.

Gel. Nolo sic me rideant; immò, quæ sit, satis novi.

Egon' ut filiam tuam in uxorem acciperem?

Vah! ista ingeniosa est, hoc sufficit mihi.

Facetissi.

Naufragium Ioculare.

Facetissimè à me amovi istud dedecus.

Mor. Oh ! non possum recipere animam : quæso bona
fæmina. (intus)

Æm. Ha ! quid hoc ? *Pf.* Inter tot nuptias
Ne desit vinum, donabo vos pleno dolio. Exit

Cal. p. Frustrationes ego tantas, & tam miras res,
Nullâ me vidisse unquam in Comædiâ memini.
Ha ! quid fit tandem ?

Scena Septima.

Pfecas, Morion in dolio.

Pf. Hem vobis vinum meum !

Mor. Non, non, ego non sum vinum. (in dol.) Exit.
Ha ! quosnam hic video ? ego iterum intus me recipiam.
(ingred. interum)

Gel. Exi, exi inquâ, *Diogenes*, ô *Morion*, ut ego te derideo !

Mor. Videon' ego patrè meum ? ô, patet, tun' hic aderas ?
Ego ingeniosus factus sum in his regionibus.

Iocari homines doceo. *Pol.* Posthâc ne me patrem voci-
Nam servus meus es, quem adhuc pro filio sustuli. (tes :

Mor. O ! tu me non nosti fortassis in his vestibus.
Ego sum profectò *Morion* : roga *Gelasium*.
Nos hic Captivi sumus. *Pol.* Non, non, jam estis liberi.
Sed meus, per Deos, non es, ted ad patrem tuum,
Adducam iterum, cum in Angliam transmisiimus.

Scena Octava.

Gnomicus.

Gel. O Tutor ! mira hic profectò evenerunt hodiè,
Omnia intus scies, tu verò Tutor, & *Morion*,
Mundum

Naufragium Iocularē.

Mundum omnem iocularē colligite, nam in Angliam
mecum redibitis,

Atque illic Cantabrigiæ istam aperiemus Scholam.

Emptores jocorum ibi habitant quamplurimi.

Mor. Rectè; tum pater si nolis esse, ne sis amplius mihi.

Tutor, ego non sum filius Polypori natu Maximus.

Gn Enimverò, ut ait Comicus, Dii nos homines quasi
pilas habent.

Cal.p. Intereà ad me omnes introite ad prandium,
Frugalitèr vos accipiam. *Gn.* Consilium placet.

Siqui nunc harum rerum Spectatores adfient

Cum Poëta illis dicerem. Valete, & plaudite.

Claudite jam rivos, pueri, sat prata biberunt,

Rumpatur, quisquis rumpitur invidiâ.

EPILOGVS.

Habet; peracta est fabula; nil restat denique,
Nisi ut vos valere jubeā; quod ut fiat mutuò
Valere & nos etiam jubeatis precor.

Naufragium sic non erit; nam vobis, si placuimus,
Ut acutissime observat Gnomicus, Vir admirabilis,
Iam nunc in vado sumus cum Proverbio.

FINIS.

ERRATA.

Ad 1 Sc. 2. Vitra pro Vitra. Quod pro Quid. Polypors pro Polyperi, *A. 1. S. 4.* Malam pro Malum. *A. 1. S. 6.* Nauule pro Nanule. Est, pro Et. Vos pro Nos. *A. 2. S. 4.* Ut pro At. *A. 2. S. 5.* Exoscular pro Exosculer. Virite pro Virite *A. 3. S. 2.* Linqueus pro Linquens. *A. 3. S. 6.* Gel. pro Gno ibid. Non, dele, ib. Non, non, non ipsi & Gel. loquitur. *ib. ant.* pro, unt. *A. 4. S. 1.* Ne pro de. *A. 4. S. 2.* Vxores pro Vxor es. *A. 5. S. 2.* Excederes pro Exederes. *A. 5. S. 2.* Dissimulavit, pro dissimulavi. Cætera, quæ non sunt pauca, omitto, ut pote quæ vel amicus, vel intelligens Lector excusare possit.

REPRODUCED FROM THE COPY IN THE

HENRY E. HUNTINGTON LIBRARY

FOR REFERENCE ONLY. NOT FOR REPRODUCTION